



内閣文庫		
番號	漢	3050
冊數	20	(1)
函號	367	51

367-51



劉氏鴻書序章文庫



古之為類書者大要有二一
類事一類文事或博于名物
如類苑華林文或博于詞章
如玉彩瑤林而兼載事文如
類聚學記之類皆以備遺忘

387-81

便討論詞林所不廢也其重
在典故經濟如通典元龜通
志通考之類則可見行事非
託空言矣自科舉之學興士
以帖括取功名即所受一經
至老不能淹浹遑顧其他主

司開科往往議重策論以收
博雅之士而所綴緝特坊肆
間程式之文于古書無當也
記問學已固陋然且不足何
貴士哉宣城劉九逵雖治博
士業不為功令所限游思竹

素無者訪購有者丹鉛凡二
十餘年以所銓次集為鴻書
離其目曰天文地理歲時世
系三教五倫人事人品官職
文史身體宮室飲食衣帛珍
寶器用音樂方術花木鳥獸

鱗介昆虫錄異紀厖類凡二
十有四類之中復有類焉凡
二百六十有奇蓋名物詞章
典故經濟大畧具矣昔者仲
尼以多能為鄙事以多學而
識不如一貫然而聖道之大

峻極于天發育萬物其細微
曲折禮儀三百威儀三千缺
一不可妨賢者既口實累世
不能窮其學當年不能究其
禮而後人又第舉防風之骨
肅慎之矢商羊萍實諸小物
僻事以相誇詡彼所謂學所
謂禮功在位育參贊此何與
焉譬之片甲一毛謂非龍鳳
所有故妄而執以盡其全體
可哉仲尼識大識小學無常
師忘憤忘食信而好古何若

斯之勤也。文武之政，布在方策。如有用我，其為東周乎。九達書意當在此。余為叙其大歸，諗于通今博古者，無以為仲尼所禁，索隱語恠之屬，同類而並觀也。其校讐與有力。

則李成白謝少連諸子直諒多聞益友矣。

萬曆庚戌歲仲冬月之望大泌山人李維楨撰



劉氏鴻書序

夫學古貴乎博，患其不精；記
事貴乎要，患其不備。古昔所
傳，必資簡策，貫綜羣典，約而
成書。此類家所繇起也。自魏
有皇覽，為其濫觴。嗣後徐勉

劉孝標劉杳陶隱居徐堅虞
世南纍々而作迄崇文摠目
所列至五十一部可謂富矣
顧阮於兵燹流行者不能什
一北堂書鈔宋三館亡奉仁
宗取於趙安仁家嘉其好古
下詔褒美其難得如此近世
作者不乏非略而失之遺則
廣而失之沉徒々語不雅馴
事多猥雜求其抽墳素之紺
珠備文章之精騎豈不難哉
宛陵劉君仲達少為諸生以

詞學著聲其所綜富以閱博
自喜念司馬子長南游江淮
上會稽闕北嶽浮沅湘北涉
汝泗過梁楚以歸業乃大就
而張華之兼乘惠子之五車
未易以挾也乃法韓子提要

鉤玄之言而日采擇之語不
欠古而晚出畢收曰吾以拓
吾見而已事不必奇而有資
必錄曰吾以適吾用而已自
天文說紀元為目二十有四
摠若干卷持以見示余觀近

之類家以謂寧謫而古母覈
而今寧稗而奇母正而典遮
相承傳牢不可破此窾啓寡
聞之見非通方之巨觀也譬
之醫師赤箭丹砂青芝玉札
珠為上藥而馬渤牛溲亦脩
不虞譬之貨殖魚鹽鐵冶栗
栗竹木珠璣象牙犀日相灌輸
而賣漿販脂薄技淺方無不
輻湊故瓦礫糠粃道鮮不在
查梨橘柚皆可于口而必欲
尊古卑今辭隆從窾斲截小

文掩其弘美。令學者得前而不親其後。循常而不達於變。豈君意哉。是書出。高可證學。卑可博聞。雖饒且病者。亦藉以望。果然之腹。裨益大矣。余少有類林行世。以方是書。殆

嵩岳之纖塵。滄瀛之涓滴耳。自孝標著類苑。諸學士為華林要略。以高之。殆非有意于此。余業拱手遜焉矣。

省

萬曆庚戌歲除前二日澹園

居士焦竑書



叙

儒者之於天地無一而可自
淪也古今無兩天地也其間
人物事變遞往來皆非可
堅留之物其能留天地之所
有揆之以長者用則文字人

則儒也。六合之內論而不詳，
母亦曰吾舉其大凡而天地
在是矣。非特不能詳，亦不必
詳也。古今同此天，同此地，安
所得六合之外別開一境為
而可諉曰存而不論耶？且不

論則亡，又何存之與？有今之
命儒者，跼身撻掖，日課尺幅，
而不暇廣覽，見橐駝謂是馬，
腫背固其所也。抑亦有贗古
者乎？寶幽竒之斷緒，忽目前
之成績，謂郊天鼓必當麒麟

之皮寫孝經本必曾子家策
耶尤迂僻不可曉解者勸人
勿讀唐以後書唐以外書勿
讀將澆古以來之天地絕於
唐矣陳同甫所謂千五百年
之間天地鬼神亦不肯受此


架漏者也類書之為學無天
地古今而欲存之其法耳聽
目覽口誦手記借成於衆取
裁於獨非復幽室之思可以
默造故倍難於侘學御覽元
龜之類群朝臣開局為之杜

氏之通典馬氏之通考代居
秘閣家有賜書然猶歲馳月
驟畢平生之精力以從事也
劉氏鴻書我九達以獨力丹
鉛又成在壯諸生刺經課業
之歲宣又僻處江左藏書家
甚儉輜軒之使朝士方言無
所從編跡不知九達從何處
搜索得之此予所以尤服膺
也九達工舉業大有聲行為
世用遊覽漸廣所述作宜不
止此而予方杜門息機講名

山之業。儒者生斯世。亦必有以自處矣。

萬曆辛亥孟夏日

友弟湯賓尹書



鴻書序

自太史公之傳大宛也。曰惡睹本紀所謂昆侖。至山海經。所有怪物。余不敢言之。蓋核事闕疑。良史之體。然耳。迨其後。東方生曉。畢方之名。劉子

政議盜械之尸王頎訪兩面
之客海民獲長髯之衣絕代
懸符精驗潛効乃知一為簡
牘之所書必為天壤之所宥
昂閎誕迂夸或為守文章故
者所疑要以揣悅荒忽之中

自開天地日月耳目見聞之
表別啓形埒區封儒之玄覽
者固當了然於斯有可知而
不可言者矣余始而讀十洲
之書洞冥之誌杜陽之編諾
臯之記私謂詞人之弄筆墨

者作此狡獪以瞖天下後世
耳蓋久而有悟於宇宙之無
鞅也禹蹟之內從古以來事
物變嬗孰知紀極而况岷夷
昧谷交趾幽都之外恠々奇
奇乖反視聽者又焉可為量

數吾安能保所習聞懸訣之
誕信哉後世無通人魏儒山
海經一書必以太史公之言
而廢矣九達劉君之為鴻書
也總百代之秘文搜二酉之
佚典採玉於山非懸黎焉以

結佩澹珠於海非明月無以
入懷蓋一時類集未有或之
先焉至鄉所稱閎誕迂夸者
或往、闌入其中令人目駭
而心戰君家子立得無欲操
繩墨以通其後哉人之情多

喜聞其所不知而恒怵其所
不見終日談語龍鳳一旦驟
見之必且以狂蛇怪鳥噪之
矣而馴擾者直見謂如蠅蚋
如伏雌今世不必常見龍鳳
人固已心知其有矣世所不

常有而必有者不當如龍鳳
可遂臆決其必吾其九遠之
為此也馮贄所謂若見于常
常之書者必不錄吾於此獨
賞其識矣昔淮南鴻烈之解
語多瑰奇而理絕區蓋君之

名書義或取此夫鴻者大也
語大天下莫能載焉七略曰
庫所存幾何必使山筍河籍
一一入吾劉覽中即恐賢聖
亦有所不能察矧其眇莽難
澈遠姚靡紀靈簡之所未披


鴻書 卷之六
龍藏之所不載昂又安所得
耳而目之君亦終身出入於
吾窮之門而已矣何暇計夫
千載而下更有子長者訾其
所未信哉

時

萬曆歲在辛亥中秋日江寧
顧起元撰



茂苑丘義民書



蠹魚之癖僕謬亦同之故於惇史匏牘
罔不畢收竊自以不窺宛委不登瑯嬛
為恨迨一束帶作吏而舍已之田故步
盡去矣昨見鴻書則僕十年未了之願
於門下親炙之可勝愉快但類書所難
不在新鐫之不廣而在往采之未精帝

自牋五大野澗然其願喜心不覺然香

統六經所難在黜僞正訛律曆禮樂歷
代互有得失本朝宏規特議要當揚乾
暨及祿僞傑僚采其所決當采不棄其
所不必棄大冶鑪錘是在門下又卓老
論人需用黜陟每每不循統體信意撮
合或者非正格非定筆也固知巨震手
自有正大提衡然見獵喜心不覺饒舌

惟門下亮之

秀水陶朗先

引

宣城名繇來遠矣。要能讀漢書及六朝
 前後書者，罔不了了也。家給諫嘗領邑
 茲地，輒向余稱說不實。昨署南中，從諸
 名公座上，舌間遂稔知有九達劉君。然
 方夢寐宣城，愈復忻為倒屣。已而讀鴻
 書，遂不禁心折焉。又三讀之，而始嘆余

之謂識九達者姓字耳鬚眉耳余何人
而得以窺其際也大畧其立意叙事則
直已遊聖賢廊廡如諸太史公所題賞
云云者何能贊一詞也九達能不負宣
城而宣城能不負繇來然則鴻書迺遂
有定價乎哉

莆田黃景星

書鴻書後

余閱鴻書而知九達氏之業以識
勝也宇宙雖廣必司契于心靈名
理誠繁豈競途于象外要以芥子
可納須彌萬卷總歸一掬書契
以來卓然此理自九鼎鑄而幽


奇在鑒三百刪而多識可資博而
自要約乃彌弘斯其尚矣迨爾雅
載魚虫之名陸氏疏草木之辨及
唐宋之浸淫歧波流以汗漫豈豎
溺質實昧揆玄即有鄴中故老
互集微言稷下名流共標勝義然
皆開卷而了不異人聽古樂而惟思
卧耳吾友九達沈酣六籍棲志百家
以道德之廣宗詮古今之經濟義取
筆削意在闡微要而言之其勝有
四夫渺泛橫流難分涇渭雜陳絲
管莫辨宮商今事備巔末而語

有指歸類譜誌之及雲孫如渡海
之循斗杓此其勝在體裁幕中顰
笑閱之色飛輦下滑稽見而絕倒
筮元爾塵譚皆毅然狐史則蠅聲
不至于亂雅而紫色無能以奪朱
此其勝在鑿別陟玄圃而羣玉搖
神游赤水而玄珠匿意惟棄瑕取
瑜而披沙見寶則茗華不間以蒼
璧照乘無溷于小璣此其勝在精
擇入金谷者時艷春葩飽郇厨
者尚思異味惟推陳見新而援今
識古則不以商周之輅冕棄漢官

之威儀此其勝在魚收業以勝成勝
由識詣若摩尼在握而五色自呈慧
日當空而百昌並耀斯則博聞異
論一皆經世之資而畫墁履豨心為
心悟之藉真足以鼓吹五典經緯
萬途矣是書也九達成以壯年出
以餘力若家更生以八十老郎署校
書天祿石渠而僅成新序說苑方
之於君事半功倍然則九達之業
寧獨勒成不朽者可以威名山而日
新富有者且以澤量矣不佞請從
而後也

辛亥秋仲山陰祁承燦書于白雲

吏隱



劉氏鴻書

凡例

一余二十年内展蠹燒燈困於舉子業攻
苦之暇間取一二散帙用驅睡魔或者
又風雨閉門貧病感愴因借方外荒譚
一抹牢騷孤嬾逗入眼根并落腕下奚
囊閣滿積有日時可觀不遺乎小道標
目聊附於鴻書名之揭矣忌曷觸焉

一 是書蒐撫雖繁篇章扼要總之部不數
條條不數事或途合聖賢風興頑懦或
離藩破俗翻案証疑不惟騷人墨士藉
以揮洒靈心即是獨座四筵兼可陪奉
玄塵

一 書目類涵淆次第顛倒總然南金卞玉
要難得手應心是種首重分門次嚴序
代俾觀者粘帖朗於吹藜操觚捷於倚

馬

一 書既連冗最易疲神毋論躁士厭擲往
往博宿讀不終篇區區此役第求事核
事明蔑謬蔑漏長或全收短或句拾間
且斷章取義割鶴續鳧庶典不遺於伐
山而累不襲乎觀海矣

一 欄彙書率不免魯魚帝虎蓋前之訛以
傳訛後且目難遍目自維碎心此業不

知換幾十星霜髯枯髮白癡索垢吹既
窮五眼又盍十朋敢云不朽乎千秋第
求共償以一快

一名家前後構術多係館閣宗工或是郊
林巨手匪傾天籟之琳瑯即揆腹笥之
江海區區最爾夜郎眇然河伯自揆賤
少賜書貧無洛價第食葉吐絲何妨腐
身作繭罔狐取毳寧辭緝腋為裘若乃

薄量管窺厚誅斗膽抑且千古賢聖關
其精靈而敢一介么麼逃其斧鉞耶

一從前彙書紀事紀文諸家種類不一要
皆彼此抄襲套括雷同如三五以降詳
擷者具成濫觴元宋以來粗備者不無
漏網區區力去曹收偏偕獨賞存千伯
之什一効涓滴於江河所賴豈緒詮遺
糾愆剖秘是在同調更端大方協勝吾

道衣鉢詎有津涯乎哉

萬曆歲辛亥春王正月赤劔齋識

凡例畢

目錄

各總類

天文

地理

歲時

世系

三教

五倫

人事

人品

官職

文史

身體

宮室

飲食

衣帛

珍寶

器用

音樂

方術

花木

鳥獸

鱗介

昆蟲

錄異

紀厖

以上共二十四類

目錄

各類

天文部

計三卷 共十六類

天

日

月

一卷

星

一卷

風

雲

雷

雨

雪

霜

冰

雹

露

霧

虹霓

煙火

三卷

鳥書

地理部

計八卷 共三十五類

地

皇輿

四卷

山水總

水

嗜水

池

井

洞

劫灰

土

海

潮

附

河

江

湖

城

塞

關

市

巔

溝澤

陵墓

五卷

戶口

河道

海運

海防

六卷

鹽政

鹽鐵

權茶

屯政

馬政

徒戎

建都

七卷

夷國

夷俗

八卷

歲時部

計一卷 共二十一類

時令

干支

附

元旦

元宵

耗磨日

附

送窮日

附

寒食

上巳

清明

梅天

附

端午 伏 七夕 中秋

重九 禳過日附 冬至

寒 臘 除夕九卷

世系部 計十九卷 共四十二類

三才 五行 五方 支干

賢聖原跡 帝王世紀十卷

帝王發跡 姓名彙十一卷

皇統十二卷 皇統十三卷 皇統十四卷 春秋

戰國 偏霸十五卷 僭偽十六卷 諸王

女主 婕妤等附 夷狄十七卷

臣紀文武名臣十八卷 臣紀文武名臣十九卷 臣紀文武名臣二十卷

臣紀忠臣 布衣附忠臣 夷狄附忠臣

詞臣二十一卷 理學 高逸

方外 豪俠 遊說二十二卷

方伎 滑稽 外戚 佞宦

宦官 執拗 二十卷 奸篡 二十卷 尚論 二十卷

尚論 二十卷 尚論 二十卷 尚論 二十卷

三教部 計五卷 共十五類

儒 釋 佛 僧 二十九卷

道 僊 三十卷 神 為神

水神 三十卷 陰神 鬼 正報 三十二卷

愆報 轉竄 載身 三十卷

五倫部 計五卷 共二十七類

君 三十卷 后 太子 附 宮人

婕妤 公主 父子 三十卷 母

夫婦 逐婦 附 婦 貴女 附

美女 醜女 三十卷 兄弟 姊妹 附

嫂叔 祖孫 叔姪 婿

鳥書 日

甥舅附 朋友 師弟 妾三十卷

僕 奴婢 娼妓三十卷

人事部計七卷 共四十類

郊祭 加號 國號 冠

婚 喪 葬 祀人

祀神 死 病三十卷 貧

富 老 少 刑四卷

獄 賞 用 薦

德報 讐報四十卷 奢 僭

貪 妬 遊覽四十卷 賭博

嗜好 姪慾內外 企羨 迂謬四十卷

誤忘 客謁 拜附 夢

寐 哭四十卷 譏刺 詼戲四十卷

人品部計十五卷 共三十類

忠諫 四十卷 忠諫 四十卷 忠諫 四十卷 忠烈 四十卷

孝 廉 謹 儉

讓 五十卷 德 才 譽 方正 五十卷

智術 五十卷 奸邪 簡傲 五十卷 將畧 五十卷

兵戰 女將 五十卷 勇力 俠義 附

俠刺 五十卷 曠逸 賢正 妬

俠 義門 五十卷 畔盜 五十卷 畔盜 五十卷

畔盜 盜賊 附六十卷

官職部 計五卷 共四十五類

總論 宰相 諸曹 冢宰

侍郎 都御史 大理卿 京兆

吏部郎 黃門 六十卷 學士 御史

郎官 中書 博士 祭酒

太學生 附 鄉學 秀才 附六十卷

布政 參政 轉運 刺史

郡守 別駕 縣令 將軍

土官 錦衣 門士 師士 巡檢

吏 出使 六十卷 休致 恩封

世宦 闈人 佞倖 六十卷 科第

鄉會 狀元 座主 門生

同年 科第 鬼神 六十卷

文史部 計八卷 共十七類

五經始末 易 書 詩 禮記

春秋 六十卷 著述 學問 六十卷 雜著 短六十卷

雜著 長六十卷 辨疑 七十卷 詩話 七十卷 士詩 七十卷

女詩 書法 文訣 書厄 附七十卷

身體部 計一卷 共二十類

五官 鬚 面 耳

目 口 舌 牙

鼻 心 肝 腎

指 髀肉 足 短人

瘦人 長人 男相 女相 七十卷 四卷

宮室部 計一卷 共六類

帝規 儒 釋 道

民居 雜制 七十卷 五卷

飲食部 計一卷 共十五類

總論 茶 酒 粥

飯 羹 餅 鯖

鱠 醢 鹽

齋供 糖 蜜 七十卷 六卷

衣帛部 計一卷 共十四類

服制 冠 巾 帽

網巾 帶 袞 錦 葛

半臂 裙 鞋 履

襪 履 七十 履 七十

珍寶部 計二卷 共二十九類

金 銀 錢 銅

鐵 珠 七十 玉 璧

玻璃 鞞 鞋 猫睛 水晶

珊瑚 寶璫 玳瑁 蠟子

琥珀 瑪瑙 寶母 鶴頂

犀角 番香 金剛鑽 貝

田田石 佛鉢 骨董 古物

古鑄 七十 九卷

器用部 計二卷 共四十四類

筆 硯 印

鳴書

九

鑪

鼎

刀

劍

吳鈎

矛盾

弓

箭

節度

旄頭

舟

車

簾

八十卷

髻

鏡

榻

席

枕

塵

杖

鍋

瓢

酒壚

茶具

窰漆器

炭

燭

香

扇

屐

傘

棺

圍棋

投壺

牙牌

檮蒲

骰子

雙陸

打馬

鐵馬

八十卷

音樂部

計一卷 共十二類

樂

樂律

謳

歌

鐘

鼓

磬

琴

瑟

笛

箏

篪

琵琶

梨園

八十卷

鳥書

方術部

計四卷 共二十三類

占筮

堪輿

星家

風鑑

八十卷

醫

丹青

八十卷

射御

獵

釣

幻術

遁法

丹法

八十卷

定數

相字

解語

嗅氣

聽聲

巫

匠

鞦韆

傀儡

繩戲

銀櫛工

八十卷

花木部

計二卷 共六十九類

總論

牡丹

白山茶

玉蕊花

瑞香

蘭

海棠

李

桃

酴醾

瓊花

夏品

芍藥

藕

蓮

秋品

秋海棠

桂

菊

芙蓉

冬品

梅

松

栢

竹
梧桐
黃楊
柳

桑
槐
楓
檜

椿
奇木八十卷
五穀
稻

麥
豆
木棉
菜品

蒿菜
園姜
茄
葫蘆

蘑菰
果品
桃李
櫻桃

杏
楊梅
梨
棗

葡萄
柿
栗
金橘

柑
蔗
瓜
草

葷
蕨
藥品
黃精

砒
龍涎
檳榔
又檳榔

地脂
枸杞
三稜草
雷丸

木爪
人參八十卷

鳥獸計三卷 共六十類

總論 一字鳥 鳳 鸞 鶴

燕 雉 雀 鵲 鶯 雁

鴛鴦 鴿 鷓鴣 鳩

梟 鳶 二字鳥 孔雀

杜鵑 謝豹 鸚谷 鸚鵡

吉了 白鷗 鷓鴣 鷓鴣

鳥異 鷄 鷺 鴨八十卷

虎 狼 狽 犀 象

熊 麝 鹿 牛

羊 馬 騾 驢九十卷

犬 豕 猫 鼠

獺 鼯鼠附 狐 猿

猴 獠 猩猩 兔

懶婦 野婆 渾沌 黃腰獸

鳥書

俞兒

無支祁

九十卷

鱗介部

計一卷 共十類

龍

龜

蛇

鼈

鼉

海鱖

附

諸品魚

鱉

蟹

螺

海鏡

九十卷

昆虫部

計一卷 共十八類

蠶

蝶

虱

蠅

蚊

蜂

蟻

蠹魚

蠹

蠱虫

蜥蜴

螳螂

螻蛄

蝗

金蠶

鞠通

怪哉

銷麥虫

九十卷

錄異部

計四卷 共四類

祥徵

九十卷

變兆

九十卷

人異

九十卷

物異

九十卷

紀厖部

計十卷 共十三類

兵畧 九卷
荒畧 九十卷
訓身 八卷
訓家 九十卷

養德 一卷
養生 一百卷
稽踪 一百卷
衡品 一百卷
衡品 二卷

衡品 一百卷
補遺 一百卷
補遺 四卷
補遺 一百卷
補遺 五卷
補遺 六卷

補遺 一百卷
補遺 七卷
補遺 八卷

總目終

第一卷

天文部

天

函三為一 蟻行磨上 太極五運

談天六家 下規上規 地厚天高

人物奇偶 蒼天昊天 天裂地坼

陰陽氣薄 山雲水雲 河漢之源

夜熟羊脾 天大雷電

日

代為晝夜 朔望 日月食

家二目錄

日蝕

御日

夢日捧日

曝日

指日撝日

加日

日光日珥

日掩日影

日出

不見日食

月

生明生魄

月中珥璘

九月並出

月中人

修月戶

見月異謀

天文圖驗

第一卷目錄終

劉氏鴻書卷一

明

宣城劉仲達

纂輯

太史湯賓尹

刪正

天文部一

天

伯陽父曰有物混成先天地生獨立而不改周行而不殆可以為天地母未有天地之時其氣混沌如雞子溟滓始芽鴻濛滋萌太極元氣函三為一極中也元始也清輕者上為天濁重者下為地冲和之氣為人芒雜之氣為物孕在天地未分之前元氣混而為一是太初太

乙也道德經曰道生一一生二卽此是太極元氣原始
元氣既分陰陽始判天大地小表裏有水地乘氣而立秘書
載水而浮又天圓旁轉半在地上半在地下日月本東
行天西旋入於海牽之以西如蟻行磨上磨左旋蟻右
行磨疾蟻遲不得不西地常動而不止譬人之在舟中
閉牖而坐舟行而不知此則元氣之剛健浮游而不息
也又云天地混沌如雞子盤古氏生其中萬八千歲天
地開闢陽清爲天陰濁爲地盤古在其中一日九變神
於天聖於地天日高一丈地日深一丈盤古日長一丈
如此萬八千歲天極高地極深盤古極長然則生物始

於盤古天地萬物之祖也其死也頭爲五嶽目爲日月
脂膏爲江海毛髮爲草木吳楚間說盤古夫妻陰陽之
始也後乃有三皇此天地人之始也數起於一立於三
成於五盛於七處於九故天去地九萬里徐整三五歷紀
天地未分之前有太易有太初有太素有太極
是爲五運形象未分謂之太易元氣始萌謂之太初氣
形之端謂之太始形變有質謂之太素質形已具謂之
太極五氣漸變謂之五運孝經鈎命訣

古今譚天者六家曰姚信之昕天虞聳之穹天虞喜之
安天却萌之宣夜周髀之蓋天以上諸家並爲桓君山

葛稚川諸人所駁獨渾天氏謂天形如雞子旋如車轂
差爲近之至如陰陽不得枯離升降互有將息此唯合
體太極者曉焉故曰六合之外聖人存而不論太平御覽
天體東西南北徑三十五萬七千里每一方八萬九千
二百五十里自地至天八萬里以日照陽城之半爲中
乃體正圓也南極七十二度隱而不見爲下規北極七
十二度見而不隱爲上規每度二千九百三十里七十
一步二尺七十四分總而論之每度三十里自下度之
每度如正午日輪之大三百六十五度下至泉壤第一
壘上至星天九萬七千二百里下至九幽洞淵上至星

天一千二百一十八萬里黃帝考之數也

原始秘書

天體周六億十萬七百里二十五步廣徑二億三萬三
千五百里七十有五步東西短四步自地至天一億一
萬六千七百八十六里半下地之厚與天之高等日月
廣徑千里周三之大星徑百里中星五十里小星三十
里北斗七衡六間相距九千里三垣二十八宿中外常
明之星百二十有四可名之星三百二十爲星二千五
百微星之數蓋萬一千五百有二十

遠古記

子夏問於孔子曰商聞易云生人及萬物鳥獸昆蟲各
有奇偶氣分不同而凡人莫知其情惟達道德者能原

本馬天一地二人三三三爲九九九八十一一主日日
數十故人十月而生八九七十二偶以承奇主辰辰爲
月月主馬故馬十二月而生七九六十三三主斗斗主
狗故狗三月而生六九五十四四主時時主豕故豕四
月而生五九四十五五爲音音主猿故猿五月而生四
九三十六六主律律主鹿故鹿六月而生三九二十七
七主星星主虎故虎七月而生二九一十八八主風風
主蟲故蟲八月而化其餘各從其類矣鳥魚生於陰而
屬陽故皆卯生齧吞者八竅而卯生齧嚼者九竅而胎
生日生者類父夜生者類母敢問其皆然乎孔子曰然

吾聞諸老聃亦如子之言也子夏曰商聞山書曰地東
西爲緯南北爲經山爲積德川爲積刑高者爲生下者
爲死丘陵爲牡川谷爲牝蚌蛤龜珠與月盈虛是故堅
土之人剛弱土之人弱墟土之人大沙土之人細息土
之人美耗土之人醜羽蟲三百有六十而鳳爲之長毛
蟲三百有六十而麟爲之長甲蟲三百有六十而龜爲
之長鱗蟲三百有六十而龍爲之長裸蟲三百有六十
而人爲之長食水者善遊而柰寒食土者無心而不息
食木者多力而不冶食草者善走而愚食桑者有緒而
蛾食肉者勇毅而悍食氣者神明而壽食穀者智慧而

天不食者不死而神敢問其皆然乎孔子曰然吾聞諸
老聃亦如子之言也 玄覽

爾雅曰春爲蒼天夏爲昊天秋爲旻天冬爲上天詩傳
曰尊而君之則稱皇天元氣廣大則稱昊天仁覆閔下
則稱旻天自上降監則稱上天據遠視之蒼蒼然則稱

蒼天

韻會小補

天有時而裂地有時而圻山有時而移水有時而卓川
有時而竭石有時而泐日有時而食星有時而隕月有
時而不虧海有時而冰潮有時而不至天地有大陽九
大百六焉有小陽九小百六焉天庀謂之陽九地虧謂

之百六大期九千九百年小期三千三十年陽九者天

旱海消而陸焦百六者海水竭而陵自填

玄覽

陰陽之氣上薄而雨下薄爲霧噫而爲風相激而爲雷
電嚴寒之雨因風相襲而爲雪上燠下寒其雨爲霰陰
氣暴上其雨爲雹地之暄氣爲露寒氣爲霜陽炙陰而
爲虹霓春風上升秋風下降夏風橫行冬風著土而吼
穴風之高者其道遠風之下者其道近不鳴葉者十里
風也鳴條搖枝者百里風也搖大枝者五百里仆大木
者千里折大木者五千里一日一夕者萬里二日夕者
天下半風三日三夕行萬里天下盡風

事物紺珠

山雲草莽水雲魚鱗旱雲烟火涔雲水波海旁蜃氣象
樓臺廣野之氣成宮闕北夷之氣如牛羊羣畜穹閭南
夷之氣如闔臺或類舟船幡旗東夷之氣如樹西夷之
氣如室屋自華以南其氣下黑上赤嵩高三河之郊氣
正赤恒山之北氣青勃碣海岱之間氣正黑江湖之間
氣白東海氣如團登附漢河水氣如引布江漢氣勁如
杼濟水氣如黑純滑水氣如狼而白尾淮南氣如帛少
室氣如白兔而青尾恒山氣如黑牛而青尾凡喜氣上
黃下白怒氣上下赤憂氣上下黑上功氣黃白徙氣白
百人以上皆能有氣也凡軍上之氣高勝下厚勝薄實

勝虛長勝短澤勝枯凡候氣之法仰瞻中天則百里內
也舉目而望則五百里平視則千里在桑榆上高五六
尺者千五百里外也平望桑榆間二千里登高而望下
屬地者三千里

玄覽

天河又曰天漢天津潢津雲津雲漢銀漢星漢清漢華
漢傾河淺河銀河明河絳河銀灣銀浦銀漢河漢金水
之精凝毓而成起東方箕尾間乃分爲二道其南經傳
說魚天籥天弁河鼓其北經龜貫箕下次絡南斗魁左
旗至天津下而合南道乃西南行又分夾匏瓜人星杵
造父騰蛇王良附路閣道北端大陵卷舌而南行絡五

車經北河之南入東井水位而東南行絡南河闕丘天
狗天紀天稷在七星南而没天所以爲東西南北襟帶
之限天下河漢之原蓋出於此

事物紺珠

唐貞觀中有人至鐵勒部骨利幹北方瀚海之地者其
地晝長而夜短日沒之後天色正曛夜纔熟一羊脾而
東方已曙此是地之角尖又最高處日入地下此處無
所遮蔽故常光明及東曉而遮處不多耳

學仙篋

周武王崩成王幼周公攝政有大功於王室時流言不
利于孺子乃辟位居東三年罪人斯得秋大熟未穫天
大雷電以風禾盡偃大木斯拔邦人大恐成王與大夫

啓金縢以上乃得周公以身代武王之說於是感悟出
郊迎公以歸天乃雨反風禾盡起歲則大熟倍常

周書

日

日廣徑千里周三千里月小於日數里凡日月運行四
極之道極下者其地高人所居六萬里滂沱四隕而下
天下中央亦高四旁六萬里日光所照徑八十一萬里
周二百四十三萬里日行四極代爲晝夜北方日中南
方則夜之半也東方日中西方則夜之半也

玄覽

月體近日則光虧遠日則光漸滿故與日同度謂之朔
而月無光衝分天中謂之望而月光盈滿月行於白道

與黃道正交之處在朔則日食在望則月食日食者月體揜日光也月食者月入暗虛不受日光也

革象志

日食在朔月食在望而亦有不盡然者宋慶元中一歲五次月食有十七夜十八夜二十夜二十一夜者其後至一歲八次月食而仍不拘望此猶異也

弁州別集

日者衆陽之宗人君之象而有蝕之者乃陰侵陽臣侵君夷狄侵中國之象前代日蝕無考今紀春秋所載周平王二十一年二月朔日蝕三月王崩

原始秘書

義和東方國名日所由過處每日出其國人爲御推而升太虛唐堯取以名官山海經又曰有女子名曰羲和

浴日於甘泉羲和者帝俊之妻是

天中記

帝王世紀曰周文王服殷時嘗夢日月着其身

藝文陳

武帝嘗遊義興館於許氏夢天開數尺有四朱衣捧日而至納諸口既覺腹內猶熱心甚喜焉

南史

宋國有田父常衣溫廣至春自曝於日當爾時不知有廣厦隩室縣續狐貉顧謂其妻曰負日之暄人莫知之以獻吾君將有賞也其室告之曰昔人有美葵甘泉莖芹萍子對鄉豪稱之鄉豪取嘗之蜚於口慘於腹衆哂之

列子

虞公與夏戰日欲落公以劍指日日還不落又魯陽公

與韓構難戰酣日暮援戈而撝之日反三舍

淮南子

三國程昱少時常夢上大山兩手捧日昱私異之以語

荀彧及兖州反賴昱得完三城於是彧以昱夢白操操

曰卿當終為吾腹心昱本名立操乃加日其上更名昱

也

魏書

唐開元二十五年青州奏日光五色長慶元年五月抱

珥五色

玉海

又周顯德七年正月日既出其下復有一

日相掩黑光摩盪者久之○景德元年十二月日有影

如三日狀

宋史

有客登岱岳絕頂行四十里以伺日出久之星斗漸稀

東望如平地天際已明其下則暗又久之明處有山數

峯如臥牛車蓋之狀星斗盡不見其下尚暗初意日自

明處出又久之自大暗中日輪湧出正紅色騰起數十

丈至明處全無光其下亦尚暗

聞見錄

宋仁宗朝司天奏月朔日當食而陰雲不見事同不食

故事當賀司馬光曰日食四方皆見而京師獨不見天

意若曰人君為陰邪所蔽天下皆知而朝廷獨不知其

為災尤甚不當賀詔嘉其言後以為例

澠水燕談

月

尚書哉生明又曰哉生魄

注

哉始也生明三日也生魄

十五日也

玉屑

嫦娥奔月之後拜書夜思惟成疾正月十四夜忽有童

子詣宮求見曰臣夫人之使也夫人知君懷思無從得

降明日乃月圓之候君宜用米粉作丸團團如月置室

西北方呼夫人之名三夕可降耳如期果降復為夫婦

如初今言月中有嫦娥大謬蓋月中自有主者乃瑁璘

非嫦娥也

三餘帖

周昭王時九月並出其色五采貫紫微王南巡狩濟江

溺死此其始

異苑

晉尹思元夜坐屋中遣兒視月中有異物否兒曰月中

一人披簑帶鉏今年當大水思自視曰月中人乃帶劍

仗矛當大亂三十年後小清耳後果然

珍珠船

晚唐太和中鄭仁本表弟嘗與王秀才遊嵩山忽迷路

見一人方眠熟呼之其人枕襪而坐曰君知月乃七寶

合成乎月勢如丸其影則日爍其凹處也常有八萬三

千戶修之予即一數因開襪有斤鑿數事玉屑飯兩裹

授二人曰分食此雖不足長生可一生無疾耳乃起與

二人別指一支徑但由此自合宮道矣言已不見

酉陽

雜俎

宋吳曦為名將玠之孫未叛時嘗歲狡獵塞上一日夜

歸笳鼓競奏麟載雜襲曦方垂鞭四視盛秋天宇澄霽
仰見月中有一人焉騎而垂鞭與已惟肖問左右所見
皆符殊以爲駭嘿自念曰我當貴月中人其我也揚鞭
而揖之其人亦揚鞭乃大喜異謀繇是亦決

程史

自初生民以來世主曷嘗不曆象日月星辰仰則觀象
於天俯則觀法於地天有日月地則有陰陽天有五星
地則有五行天有列宿地則有州域三光者陰陽之精
氣本在地而聖人統理之昔者包犧氏觀象察法以通
神明之德以類萬物之情故易曰天垂象見吉凶聖人
象之黃帝創受河圖始明休咎星官之書自黃帝始降

及高陽乃命南正重司天北正黎司地爰及帝嚳亦式
序三辰唐虞則羲和繼軌夏則昆吾紹德年代綿邈文
籍靡傳至於商之巫咸周之史佚格言遺記於今不朽
其諸侯之史則魯有梓慎皆有卜偃鄭有裨竈宋有子
韋齊有甘德楚有唐昧趙有尹皇魏有石申皆掌著天
文各謹圖驗其巫咸甘石之徒後代所宗漢司馬談父
子繼爲史官著天官書以明天人之道劉向廣洪範灾
異作皇極論以參往行之事及班固叙漢史司馬續述
天文而蔡邕譙周各有撰錄司馬彪采之以繼前志漢
之傳天文者則有唐都李尋之倫光武以來則有蘇伯

况郎雅光並參伍天文發揚善道後張渾爲太史令鑄
渾天儀總序星經謂之靈憲在三國時吳之陳卓始列
甘石巫咸三家著於篇錄並著占贊唐興太史李淳風
浮屠一行尤稱精博如淳風之法象志一行之覆矩圖
後世未能過也故唐史采其要說而以爲天文志王朴
之在五代通於曆數嘗以步日步月步星步法斂四篇
合爲曆經故史臣載其遺說而爲司天考今以其論日
月者攷之日有中道月有九行此前漢天文志之說也
中道者黃道也一曰光道九行者黑道二則出於黃道
之北赤道二則出於黃道之南白道二則出於黃道之

西青道二則出於黃道之東此之謂日有中道月有九
行也日有九道並與月同此又鄭康成所用以爲注月
令者也月令於春其日甲乙而注則以爲春從東道月
令於夏其日丙丁而注則以爲夏從赤道月令於秋其
日庚辛而注則以爲秋從白道月令於冬其日壬癸而
注則以爲冬從黑道季夏之末其日戊巳而注以爲四
時之間從黃道此之謂日有九行也至於五代史司天
考所載王朴之說則又曰自古雖有九道之說蓋亦知
而未詳徒有祖述之文而無推步之用今以黃道一周
分爲八節一節之中分爲九道盡七十二道而使日月

無所隱其斜正之勢此王朴所以有九道之法也晉書
天文志所載王蕃渾天之法則有曰赤道帶天之統黃
道日之所行也半在黃道之內半在赤道之外無赤道
東交於角西交於奎此王蕃所以詳言黃道赤道之辨
也若日月之行則正歲凡十二會焉子爲玄枵丑爲星
紀寅爲析木卯爲大火辰爲壽星巳爲鶉尾午爲鶉火
未爲鶉首申爲實沈酉爲大梁戌爲降婁亥爲娵訾此
一歲十二會之次也日月周天則凡三百六十五度四
分度之一焉星則循天而左行日月則遡天而右行日
行一度一歲一周天月行十二度有奇一月一周天此

日月周天之度數也日行太陰則無光月行太陽則能
照極南爲太陽極北爲太陰此又王充論衡太陽太陰
之說也日者陽精之宗月者陰精之宗月光生於日之
所照魄主於日之所蔽當日則光盈就日則光盡此張
衡靈憲生魄生明之說也日出於暘谷浴於咸池拂于
扶桑以至于隅中虞淵者此又淮南子曰日出日入之說
也今自其論星辰者言之則有五星有四宮星有極星
有中星又有經星瑞星焉夫所謂五星者何也歲星之
屬於東熒惑之屬於南太白之屬於西辰星之屬於北
鎮星之屬於中央五星同色百姓寧然五星有贏有縮

早出爲羸晚出爲縮至甘氏太初曆又各不同蓋以星羸縮在前名錄後所見也古曆五星之推亡逆行者至甘氏石氏經則以熒惑方曰爲有逆行蓋以周衰之變遂因以爲皆非正行也夫所謂四宮星者何也東宮之星則蒼龍之屬角亢氐房心尾箕之七宿其形如龍故曰蒼龍南宮之星則朱鳥之屬井柳鬼星張翼軫之七星其形如翼鳥故曰朱鳥西宮之星則咸池之屬奎婁胃昂畢觜參有白虎體故曰白虎北宮之星則銀海之屬謂斗牛女虛危室壁有龜蛇體故曰玄武其所謂北極卽北辰北辰天之中也天運無窮三光迭曜而極星不移故曰居其所而衆星拱之此北極也而又有所謂南極者焉北極則高於地者三十六度南極則下於地者三十六度故北極之下三十六度常見不沒南極之上三十六度常見不見此南極北極之別也古者舉中星以正四時春則日中星鳥夏則日永星火秋則宵中星虛冬則日短星昴此堯典之中星也而又有月令之中星焉孟春之月日在營室昏參中旦尾中仲春之月日在奎昏弧中旦建星中季春之月日在胃昏七星中旦牽牛中例而推之四時皆然此月令堯典中星之異也若夫經星者如曰四輔曰華蓋如斗魁所載之六星

曰上將曰次將曰貴相司命司中司祿者則名之曰文昌斗魁之下兩相比之六星曰泰階曰中階曰下階者則名之曰三台太微爲五帝之坐東壁爲圖書之府執法郎官之象其官明堂靈臺之象其物皆經星也故馬續云天文之在圖籍昭昭可知者經星常宿中外官凡百一十八名積數七百八十三星皆有州國宮官物象之類張衡靈憲論曰中外官常明者百有二十四可名者三百二十爲星二千五百微星之數萬有一千二百五十庶物蠢動咸有繫命此之謂也若夫瑞星者如隋志所載一曰景星出於有道之國二曰周伯星所見之

國必昌然官舍譽四曰格澤此瑞星之類也然總諸星而觀之北斗者乃七政之樞機陰陽之元本也魁四星爲璇璣杓三星爲玉衡所謂璇璣玉衡以齊七政者也

太史公曰杓樞龍角

東方宿

衡中南中魁枕參首斗爲

帝車運于中央臨制四海分陰陽建四時均五行移節度定諸紀皆繫于斗故天官之書首言極星又有北斗爲諸星之首此又觀象之所當先也或曰第一言天樞二曰璇三曰璣四曰權五曰玉衡六曰開陽七曰瑤光樞爲天璇爲地璣爲人權爲時玉衡爲音開陽爲律瑤光爲星石氏乃曰一主天二主地三主火四主水五主

土六主木七主金又曰一主秦二主楚三主梁四主吳
五主燕六主趙七主齊亦不可不知也嘗觀馮象氏之
職掌十有二歲十有二月十有二辰二十有八星之位
辨其叙事以會天星冬夏致日春秋致月以辨四時之
叙保章氏之職掌天星以志星辰日月之變動以辨其
吉凶此又觀象之法也雖然魏崔浩嘗攷校漢以來日
月薄蝕五星行度并譏前史之失別爲魏曆以示高允
而允謂漢元年五星聚東井乃漢史之謬案星傳金水
二星常附日行冬十月日旦在尾箕昏沒於申南而東
井方出於寅北二星何因背日而行是史官欲神其事
不復推之於理也及浩考之果如允言乃以前三月旅
於東井而非十月也吁安得斯人而與之言天文哉

書攷索

長庚六穀

北斗

龍星

天狗

五星合

布度之紀

流星

掃星

客星

劉氏鴻書卷一終

鴻書

卷一

十六

天文

叙保章氏之職掌天星以志星辰日月之變動以辨其
吉凶此又觀象之法也雖然魏崔浩嘗攷校漢以來日
月薄蝕五星行度并譏前史之失別為魏曆以示高允
允東井而非十月也_書安縣_索漢元人而與之言天文詰
不_書對之_索然_漢也_元天_年哉_五書_星之_聚果_東也_井言_乃以_漢言_史以_之言_謬以_茶言_星以_傳言_金以_水

第二卷

天文部二

星

長庚六穀

北斗

龍星

天狗

五星合

布度定紀

流星

掃星

客星

王蓬絮星

星官之書

十二分野

五星聚

四星聚

太白星

客星掩帝

太白之精

星使

馬星

飲星

處士星

織女

星隕

文星

星紀昴

牛女夕

熒惑守歲

太歲無禍

鞭太歲

掘太歲

龍星動

夢北斗

奎宿

九九乾坤

彗星

星變

卷二目錄終

劉氏鴻書卷二

宣城劉仲達纂輯

天文部二

太史湯賓尹刪正

星

啓明長庚皆金星也以其先日出故謂啓明以其後日入故謂長庚東有啓明西有長庚毛詩天文有六穀星

主稼穡生耗之運如六星齊耀則六穀登一星亡則一

穀不登玉曆

北斗九星七見二隱其第八第九是帝皇太尊精神也漢相國霍光家有典衣奴子名還車忽見二星在斗中

光明非常乃拜而還遂得增年六百

寶海經

龍星木之位也春屬東方心爲大火懼火盛故禁火是以寒食有龍忌之禁則所謂禁煙又未必爲子推設也

丹陽集

天狗所止地盡傾餘光燭天爲流星長數十丈其疾如風其聲如雷其光如電吳楚七國反時吠過梁國者是也

周書

凡五星木與土合爲內亂饑木與水合爲變謀更事木與火合爲饑爲旱木與金合爲白衣會火與水合爲燂用兵舉事大敗火與金合爲爍爲喪不可舉事用兵火

與土合爲憂生孽卿火與木合饑戰敗也凡三星若合其宿地國外內有兵與喪改立公王四星合兵喪並起君子憂小人流五星合是謂易行有德受慶改立大人奄有四方子孫蕃昌無德受殃漢志云五星同舍爲合相凌爲鬪二星相近七寸以內必有禍也

星經

布度定紀分州繫相華岐以龍門積石至三危之野雍州屬魁星太行以東至碣石王屋砥柱冀州屬樞星三河雷澤東至海岱以北兖州青州屬機星蒙山以東至南江會稽震澤徐揚之州屬權星大別以東至雷澤九江荊州屬衡星荆山西南至岷山北嶠鳥鼠梁荆屬開

鳥書

卷二

天文

星外方熊耳以至四水陪尾豫州屬搖星此九州屬北
斗星有七州有九但交青徐揚并屬二州故七星主九
州也

文春秋曜鈞

流星色青赤名曰地鴈其所墜者起兵流星有光青赤
曰天鴈軍甲之精華也

天文志

掃星也其星出主革故鼎新之象其掃長則應遲其掃
短則應速有掃長者竟天短者數丈關乎盛衰之大變
其國大凶夏桀時見而亡國又夏桀時五星皆隕商湯
伐而滅之又商紂時星累晝現武王伐而滅之管仲與
鮑叔牙商賈於南陽見三星聚虛危之分知齊將有霸

主遂共戮力來投齊地

觀象賦

客星有三一曰老子古之有德不仕老壽之人二曰國
星不知何國人三曰温星古温姓者操行不仕

玄象志

客星者周伯老子王蓬絮國星温星皆客星也行諸列
舍十二國分野各在其所臨之邦所守之宿以占吉凶
周伯大而色黃煌煌然見其國兵起若有喪天下饑衆
庶流亡去其鄉老子明大色白淳淳然所出之國爲饑
爲凶爲善爲惡爲喜爲怒常出見則兵大起人主有憂
王者以赦除咎則災消王蓬絮狀如粉絮拂拂然見則
其國兵起若有喪白衣之會其邦饑亡又曰王蓬絮星

色青而熒熒然所見之國風雨不如節焦旱物不生五穀不成登蝗蟲多國皇星出而大其色黃白望之有芒角見則兵起國多變若有水饑人主惡之衆庶多疾溫星色白而大狀如風搖動常出四隅出東南天下有兵將軍出於野出東北當有千里暴兵出西北亦如之出西南其國兵喪並起若有大水人饑又曰溫星出東南爲大將軍服屈不能發者出於東北暴骸三千里出西

皇

文獻通考

灑岳蒙泉正曰星官之書有曰三垣有曰七政有曰二十八宿有曰衆星其垣曰天市者明堂之位也太微者

朝廷之位也紫微者宮室之位也七政者日月五星是也天子之出以巡狩而有二十八宿者四方諸國之位也天子之出巡狩而有常居明堂之位是也天子之處燕息而有常居紫微之位是也天子之日以聽治而有常居太微之位是也故天市太微之垣有曰帝座而不曰帝者天市帝歲一臨之也太微帝日一臨之也而紫微者帝朝夕在焉故稱帝日月五星必遵黃道歷天街歲一受事於太微而後出猶大臣必稟天子之命於朝以行其職業也二十八宿分列四方各守其野率諸經星以共紫微之帝猶郡國百司各治其職統其民人以

承天子者也紫微帝可謂尊矣其勾陳中一點又曰天皇大帝夫一宮豈容二帝蓋紫微用事之帝天皇帝主宰之帝作星野者其知道乎予謂天皇大帝卽所謂太上皇者是然紫微垣北極謂之天樞所謂紫微帝矣而垣際又有天樞丹元子步天歌曰北斗之宿七星明第一主帝爲樞精第二第三璇璣星第四名權第五衡開陽搖光六七名何也昔愚古者天子有內朝外朝意者紫微垣際爲內朝太微垣爲外朝歟故曰璇曰璣曰權曰衡曰開陽曰搖光命名厥有深意而側有相有三公在焉此理之可推而知者也然紫微帝朝夕在矣故曰

帝而又有五帝內座者何徐而察之五帝座在天皇大帝之側豈亦以時朝見上皇而侍坐歟此又理之可推而知者也星野精矣

新知錄

堪輿書云星紀吳越也玄枵齊也娵訾衛也降婁魯也大梁趙也實沈晉也鶉首秦也鶉火周也鶉尾楚也壽星鄭也大火宋也析木燕也疏云十二分野蓋古受封之日歲星所在之辰而國屬焉吳越同年度受封故同星紀之次

天文攷

周文王時五星聚房漢高祖入關五星聚于東井天文志凡五星所聚宿其國王天下從歲以義從筴惑以禮

從填以口從太白以兵從辰以法宋顯德中竇儼曰丁卯歲五星聚奎天下自此太平矣乾德五年丁卯五星如連珠聚于奎當魯分占曰有德受慶大人奄有四方景德中五星聚東井慶雲見○漢元始四年四星聚柳張各五日而光武復興於洛晉永嘉六年四星聚牛女而元皇復興於揚土

玉海

秦併六國太白星竊織女侍兒梁玉清衛承莊逃入衙城水仙洞四十六日不出天帝怒命五嶽搜捕太白歸位衛承莊逃焉玉清有子名子休玉清謫於北斗下常舂其子配與河伯行雨子休每至水仙洞耻其母淫奔

之所輒回馭不經故此地常少雨

太平御覽

漢武帝微行造主人家留宿夜與主婢卧婢壻操刃數入戶又有書生寄宿善天文見客星掩帝座驚呼咄咄其人因不得肆凶帝異而問乃悟令主人召羽林擒奴問款伏誅之厚賜書生

幽明錄

東方朔字曼倩父張夷字少平妻田氏女夷年二百歲顏如童子朔生三日而田氏死時景帝三年也鄰母拾而養之年三歲天下祕識一覽闔誦于口常指撫天下空中獨語鄰母忽失朔累月方歸母笞之後復去經年乃歸母忽見大驚曰汝行經年一歸何以慰我耶朔曰

兒至紫泥海有紫水汚衣仍過虞淵湔浣朝發中返何
云經年乎母問之汝悉是何處行朔曰兒湔衣竟暫息
都崇堂王公飴之以丹霞漿兒食之太飽悶幾死乃飲
玄天黃露半合卽醒既而還路遇一蒼虎息於路傍兒
騎虎還打捶過痛虎嚙兒脚傷母悲嗟乃裂青布裳裹
之朔復去家萬里見一枯樹脫布挂於樹布化爲龍因
名其地爲布龍澤朔以元封中遊鴻濛之澤忽見王母
采桑於白海之濱俄有黃翁指阿母以告朔曰昔爲吾
妻託形爲太白之精今汝此星精也吾却食吞氣已九
千餘歲目中瞳子色皆青光能見幽隱之物二千歲一

反骨洗髓二千歲一刻骨伐毛自吾生已三洗髓五伐

毛矣

洞冥記

後漢和帝卽位分遣使者皆微服單行各至州縣觀採
風謠使者二人當到益部投李郃候舍時夏夕露坐郃
因仰觀問曰二君發京師時寧知朝廷遣二使耶二人
默然驚相視曰不聞也問何以知之郃指星示云有二
使星臨益州分野故知耳

太平御覽

周騰字叔達爲御史桓帝欲南郊平明將出叔達仰首
曰今宮中策馬星不動帝何出焉四更皇太子卒遂止

豫章列士傳

晉袁真在豫州遣女妓紀陵送阿薛阿郭阿馬三妓與桓宣武既至經時三人半夜共出庭前月下觀望有銅甕水在其側忽見一流星夜從天直墮甕中驚喜共視忽如二寸火珠沉於水底炯然明淨乃相謂曰此吉祥也當誰應之於是薛郭二人更以瓢杓接管取並不得阿馬最後取星正入瓢中便飲之既而若有感焉俄而懷桓玄玄雖篡位不終而數年之中榮貴極矣秘冊彙函會稽謝敷隱若耶山名聞不及戴逵時月犯少微人云處士星也皆爲逵憂俄而敷死人嘲逵曰吳中高士求死不得晉陽秋

晉郭翰少有清標乘月臥庭中見空中有人冉冉而下乃一少女明艷絕代曰吾織女也上帝賜命游人間願乞神契乃升堂共枕欲曉辭去後夜復來翰戲之曰牽牛郎何在那敢獨行對曰陰陽變化關渠何事至七夕忽不來數日方至翰問曰相見樂乎笑曰天上乃比人間問曰卿來何遲曰人中五日彼一夕爾忽一夜悽惻流涕曰帝命有期便當永訣以七寶枕留贈而去黑莊

冗錄

五胡僞漢主劉聰時有星隕於平陽化爲肉長三十步廣二十七步劉聰惡之問陳元達元達以爲七國之徵

其後聰子二十一人天火同日燒死聰卒斬準作亂劉氏男女無分少長皆斬東市發聰父子塚斬聰焚其廟跡劉聰父子爲五胡亂華之首天之報施可畏夫

十六

國春秋

杜子美十餘歲夢人令采文於康水覺而問人此水在二十里外乃往求之見鷲冠童子告曰汝本文星典吏天使汝下謫爲唐世文章海九雲誥已降可於豆隴下取甫依其言果得一石金字曰詩王本在陳芳國九夜捫之麟篆熟聲振扶桑享天福夜因佩入葱市歸而飛火滿室有聲曰邂逅穢吾令汝文而不貴

文覽

唐韋見素是歲十月丙申有星犯昴見素言於帝曰昴者胡也天道謫見所應在人祿山出將死矣帝曰日月可知乎見素曰福應在德禍應在刑昴金忌火行當火位昴之昏中乃其時也明年正月甲寅祿山其殪乎帝曰賊何等死荅曰五行之說子者視妻所生昴犯以丙申金木之妃也火木之母也丙火爲金子申亦金也二金本同末異還以相尅賊殆爲子與首亂者更相屠戮乎及祿山死日月皆驗

逸史

唐玄宗與楊貴妃避暑驪山宮七日牛女相見之夕夜半妃獨侍上上凭肩密相誓心願世世爲夫婦故長恨

詞曰七月七日長生殿夜半無人私語時在天願為比翼鳥在地願為連理枝

長恨傳

唐建中初朱泚反陷京師德宗走奉天神策節度使李晟討之軍渭橋熒惑守歲占為軍憂已而徙舍賓佐皆入賀晟流涕曰天子野次臣下知死敵而已天象高遠何庸知及克長安將佐入賀晟謝之曰曩非相拒晟聞五星之羸縮也無常一退舍動色相慶脫復還守歲吾軍不戰自潰矣諸將謝不及

嘉謀錄

晁良正性剛不怖鬼每年常掘太歲地掘後忽見一肉物良正打之三日送於河其夜使人視之三更後車馬

人衆來至肉所問太歲何故受此屈辱不讐報之太歲曰彼正榮盛無奈之何暨明失所在

廣異記

董表儀家

在河沙塘東嘗欲撤屋掘土陰陽人云太歲居北方不可興工既而掘深三尺許得肉塊漫漫然董惡之投諸河訖亦無禍

博載

上元末復有李氏家不信太歲掘之得一塊肉相傳云得太歲者鞭之數百當免禍害李氏鞭九十餘忽然騰上因失所在李氏有七十二口死亡畧盡惟小薊公尚存李氏兄弟忽其家滅盡夜中令奴悉作鬼裝束劫小薊便藏之惟此子得存其後襲封薊公

廣異記

寧州有

人亦掘得太歲大如方狀類赤困有數千眼其家不識移至大路遍問識者有胡僧驚曰此太歲也宜速埋之其人遽送舊處經一年人死畧盡○萊州卽墨縣有百姓王豐兄弟三人豐不信方位所忌嘗於太歲上掘坑見一肉塊大如斗蠕蠕而動遂填其坑肉隨填而出豐懼棄之經宿肉長塞於庭兄弟奴婢數日內悉暴卒惟一女子存焉

西陽雜俎

五代時蜀杜光庭黃巢之亂從宰興元涂次西縣遇陳休復有道術與光庭憇於路左軍中以柱杖掘地得酒一壺酌之不竭光庭因問車駕何日當還荅曰五年後

龍星動卽歸矣果如其言

九國志

袁郭初應舉夢立北斗下果第七人及第

外史續紀

宋徽宗寶籙宮醮筵嘗親臨之一日啓醮道士醮壇拜章伏地久之方起上詰其故荅曰適至上帝所值奎宿奏事良久方畢始能上其章故也上嘆訝之問曰奎宿何神所奏何事對曰所奏不可得知然此宿者乃本朝之臣蘇軾也上大驚不惟弛其禁且欲翫其文辭墨跡一時士大夫從風而靡光堯太上皇帝朝盡復軾官職擢其孫符自小官至尚書

蘇長公外紀

我太祖兵克通州時元順帝宴羣臣於萬壽山太史謂

熒惑入南斗天子下殿走即日北遁至應昌以痢疾崩于西江寺欲葬無棺因折梁得棺上書庚申皇帝之棺遂葬焉初錢塘有道士作九九乾坤已定之詞末句曰死在西江月下果應其兆

名山藏

正德初彗星掃文昌臺官云應在內閣未幾逆瑾出首逐內閣大學士劉健謝遷自是而後一時在位九卿臺諫無不被其旤乃知文昌為天下斯文之應不特內閣而已

震澤長話

萬曆丁丑十月朔異星見西南歷箕尾而進光芒長直天狀若練氣成白虹輦轂洶洶先四日江陵張師相居

正聞父訃翰林當有治喪者吳編修中行趙檢討用賢皆其所校士往治喪二公者文章行誼雅重於時內閣馮保挾冲主權重柄於宮闈江陵固交卑事之共計新鄭元相高拱去壹意擅威福專賄賂以諸子為馮之義兒因占制科鼎甲而自居太師稱政府刑名刻覈其間羽翼耳目么麼牛馬藉氣力而齷齪人者率多卿省兩衙門人其幸昵之奴游守禮者橫倨甚睚眦縉紳間具以楚濱呼之先是御史劉臺按遼時上疏發江陵之奸語切直首犯其鋒逮赴詔獄編伍去而疏中實先言其奪情戀位遺親云其聞訃之夜漏已下二鼓而昧爽時

特旨卽從中出留之內豎將司禮之命絡繹至附耳躡踵而江陵時作擊曲狀受意指于二輔臣引奪情例以聞天語慰勉損貶殊至蓋曠古異典祇在聞訃之一二頃謂非密畫夙構者耶廼初辭疏中云守制是常禮小節且云有非常之人然後有非常之事又一二日卽平章幾務于苦塊中辭疏僅至再忽自請留京守制以次馳驛回籍營喪事時編修吳中行遂稱疾杜門而檢討趙用賢則與沈修撰懋學時時過學士王公錫爵所慷慨歛噓曰波流瀾狂砥之障之豈無其人乎臺省諸諫官望願承旨聯名乞留疏旣上而位九列者復四出囑

其長爲倡以效之士大夫咸垂口結舌噤不敢出一語翰林二公觸目激衷各有伏闕上書之思而各不相聞問也草數具謂史臣無言責姑俟有先發者足以明大倫伸正義足矣至十六日檢討過編修所抵掌談時事詞意激昂殊勃勃因微洩王學士痛憤語次述沈修撰貽書李司徒幼滋云師相之歸宜決臺省之留宜寢李蓋爲江陵周親所雅善者李荅書以若所言宋頭巾語此宋之所以終不競也今師相不奔喪是聖賢之道直接揖遜征誅而得其傳者本朝惟新建可與言羅生正不達此耳又次日沈修撰私相語曰臺省有疏則臺省

無言矣翰林風化之原繼文毅而起者誰與編修遂出袖中草示檢討讀之扼腕拊膺芒芒然策馬歸亟草疏矣是日編修叩關王廟曰欲有敷陳諸無顧惜第吾有母老矣猶得餘生返故園乎若奪官貶秩甘如飴也沈修撰從檢討所聞之亟過編修爲覓寫本者沈復謀之王學士學士又亟過編修學士曰三綱淪九法數舉國若狂矣士氣摧阻世道陵夷至此哉索疏草讀曰此所謂笑嘻之怒甚于嫚罵者君能置死生乎不能則不可爲也編修頷之曰齋心舉念時業已辦此矣學士淚潛潛承睫而別十八日編修書首上卽過江陵所投揭帖

揭帖入久之傳語曰這本不要上編修曰業已上傳語曰旣上復何言回家候旨耳編修曰這本替老爺陳乞恐朝廷怒耳豈意老爺怒左右但作挪揄狀編修復過王學士馬宗伯各投以揭帖學士院長宗伯館師也學士業已聞第曰我爲籌之恐不止於無官當有罪矣宗伯歸薄暮亟索燈讀之拊掌擊節曰本院生光吾黨負愧我與典禮之宗不忍躡躡特以地位相逼爲嫌耳遣侍吏入記室取陳左都瓚刺來刺云師相之事公卿宜乞留宗伯亟倡之疏上慎勿遺我名時左都春秋高病甚請休沐已久宗伯書刺尾云嗟乎此老之病必不起

矣以其心之先死也素以硜硜著聲今若此古稱蓋棺
論定信哉因顧編修曰我之情見乎辭矣十九日趙檢
討之疏上二十日編修偕檢討同赴闕俟罪二疏俱留
中不發消息幾微掖庭掃除輩有縮頸吐舌者時以星
變火災建醮停刑又知必有繼起者故稍待也師相之
怒甚盛招劉榜眼城入幕語之曰吳子者我極愛之且
有厚望望其爲伊周何乃做一個羅一峰便了他一生
羅一峯有甚好處要學他繼之者趙子二子將座主先
生立名可乎昔又有劉臺者是誰瞎眼取這等門生語
多悖鑿而劉榜眼者因承命過編修條詰之謂若好名

不宜以座主爲餌編修應曰不獨我好名亦欲以好名
成師相忠孝之節正所以報座主座主之名完則門生
之名不得成矣師相豈以刑威殺戮足以鉗懾人人固
有視死生如旦晝者榜眼復之江陵所返命而怒愈甚
王學士會翰林自宗伯而下數十人求解於江陵江陵
拒不接而王學士獨徑造于喪次曰本衙門兩生狂妄
望老先生務宥江陵云疏留中我不得預聞聖怒不可
測學士曰卽聖怒亦爲老先生而怒語未訖江陵忽屈
膝于地舉手索刃作刎頸狀曰你來殺我你來殺我學
士大駭異遂趨出乃知事不可回矣學士遇劉榜眼于

門厲色峻語曰若與吳趙二君素有隙當此危急非若落石加膏時也今日之事在足下二十一日二公席藁俟於東長安朝房而秦中書柱者編修以身後事爲托者也不侵爲然諾改服挾醫周旋於二公甚力而不匿聲跡竟見坐爲黨至削籍云二公者相對竟日舉酒酌忻忻也兵番漸已圍宿而江陵家僕隸變衣裝伺察者匆午道路以目追晡矣復聞有兩刑曹者爲員外郎艾君穆主事沈君思孝二君則共上一疏也沈主事與檢討交因過之出其疏語多訕訐編修則曰事激矣吾輩當無復生理蓋語愈傷怒愈盛而罪不重恐言不止也

江陵亦彷徨遣飛騎走卒伺探諸曹中稍涉形影亟囑其所私客慰諭以阻之徐爵游守禮往來密勿者數十番而謀始決旨屢易屢重兩夜微傳四人者皆杖戍編修與檢討席地臥各以一兒子侍第曰事屬綱常言傳簡冊吾得死所矣是日都人集長安道者千萬雖販夫庸子願望見忠臣丰采朝房陋不能容至壞楹毀檻入矣晴煦中陰雲陡結天鼓大鳴慘黯失光者移時而校尉數十出如捕虎捕梟就逮時以繩榜腕以鐵鎗繫兩中指指須臾黑漲不可忍前押後擁先兩翰林而兩刑曹隨之兩翰林舉酒盡一卮顧戚友輩曰吾事畢矣復

顧兒子曰吾死不懼亦不悔無它言空囊懸罄只以十金買一棺殮我蓋稱家之無財亦明我之有罪也辭色從容笑而入每入一門門卽合正如世所云陰府地獄者兩刑部微有諍詈語謂吾輩爲天倫民彝耳原不得罪名教亦不得罪朝廷苟有中貴人私相詫曰朝廷且不知也四公言廷杖時周廬環列羽林軍戈戟森嚴廷中杖如麻執杖者如林佇司禮乃出綰銅符者服虎章者趨蹌于其間大喝帶上犯人來自此後每一喝則千百輩一喊聲以應其震撼若天地崩裂者二翰林同受杖而二刑部繼之先喝跪下宣駕帖宣訖喝拿下倏忽

遂縛定喝打棍的喝着實打六十棍喝五棍一換喝着實打一校尉乃執棍出班立喝閣上棍乃閣棍于股上喝打乃始打至三棍則止又喝着實打至五棍則又止一校尉復執棍出班立其喝其喊應俱如前五棍時蓋六十棍凡十二人喝閣上棍喝打凡十二聲而着實打之喝則二十至此則世所稱陰府地獄恐無此光景初如泰山壓卵糜潰而不勝也又如熱油灌肌焚灼而難禁也旣而體膚若非我所有者至周三四其痛苦更追心刺骨愈多則愈不堪思以不速斃爲憾惟氣定志寧神不亂故魄不搖司禮睜目解頤杖畢報棍完喝採下

去四校尉以布祿曳之出至長安則以板闥昇之行赴
戶部又赴京兆赴縣馳頓自已至酉三十里而道路嗟
吁追隨擁塞不得行檢討差強忍進粥一二箸編修曠
眩去亟投藥一九昏黑出都門始甦而息猶奄奄微也
謂其時神魂遊蕩飄飄若無所棲泊耳中數數聞神人
語云此天地間正氣天地間正氣豈冥冥中果有默佑
陰騭者耶二刑部則加鐐鎖且禁獄中三日始僉解發
戍更辛苦也講讀趙志臯張位于慎行張一桂李長春
田一儁修撰習孔教暨沈懋學俱有援揀之奏格不入
而鄒進士元標則懷其疏俟於廷見四公受杖旁觀發

憤切齒頓足俟杖畢上疏編修僦寓都門外有公卿走
慰勞者邏卒飛騎一一籍記之而廠衛之命至僅二日
裹創徙去鄒公復杖于廷如二刑部矣中書策馬隨編
修三十里而暝投宣靈廟宿焉又明日抵灣檢討僦寓
稍遠亦以是日驅之去妻子流離行李零落病次旅棲
寒燈破壁形影相吊至洛河偶遇故人徽賈張文憲避
逅風塵頗爲周旋居三日而廠衛之迫逐猶不已也都
中且有謗帖揭之通衢云科道羣狐搖尾翰林雙鳳鳴
陽又云居正身不正用賢相不賢思孝心何死中行道
始全蓄艾能醫病元標欲轉天五賢一不肖千載定須

傳而師相已襲冠裳于衰經登朝辦事出朝房見客矣
又未幾衣緋懸玉與吉典矣南京六卿暨六科復群奏
乞留潘尚書晟呂太常藿傳給事作舟王給事蔚張御
史一鯤林御史應訓爲之倡獨僉都御史張公岳疏請
師相奔喪而全大節御史諸公鴻謨疏乞宥狂愚諸臣
而沈修撰懋學貽書方司馬司馬時攝冢宰事計吏將
有所中傷也又三貽書江陵冢子伸經權忠孝之辨長
牘媿媿殊激切中所甚諱者內侍中涓稍稍傳宮闈語
思中外結約必欲爾甚不得已云而江陵計畫亦勞鬚
鬢頓改焉二刑部暨鄒公諸就道而二翰林猶得在床
褥剗去肉數十瓣大盈尺深入者餘寸竟空一股云王
學士沈修撰秦中書掛冠而往至是異星滅

星變志

劉氏鴻書卷二終

學	續	有所	而	師	史
士	續	所	而	師	史
...

第三卷

天文部

三

風

八節風

少男風

風母風婆

若耶風

石尤風

大風怒風

雲

九雲

巧雲

雲氣

雲鳥

黃雲

黑雲

天子氣

雲鬪

雷

鳴書

卷三目錄

闖霹靂

宣州雷

雷州雷

雷氏

雷車

震娼

擊賊

謝仙

黑雲

雨

雨金雨稻

洗濯甲兵

雨血雨米

雨肉雨灰

草雨血

羊肋寶珠

雨木雨沙

雨冰龜

雨小兒

紅雨

石雨

雪

雪花六出

臥雪

啣雪

六月雪

旱雪

袒雪

紅雪

詠雪

霜 冰

蒙馬

沾鬚

封樹

琢圍

淚冰

貢冰

冰花

冰畫

電 露 霧

雞子電

小兒電

天酒

百里霧

黃霧

行霧

虹霓

烟火

美人虹

天使

思烟

紅尼

熊兆火

卷三

旱雷

積雲

米

水

水

水

水

水

劉氏鴻書卷三

明

宣城劉仲達

纂輯

太史湯賓尹

刪正

天文部三

風

風者萌也養物成功也四時有八節風東北條風立春至條者王也又曰融風東方明庶風春分至明庶者迎衆也又曰滔風東南清明風立夏至清明者清芒也又曰巨風南方景風夏至至景大也又曰薰風西南涼風立秋至涼寒也行陰氣也又曰凄風西方闐闐風秋分

至閭闔咸收藏也又曰飈風西北不周風立冬至不周者不交也又曰厲風音肅風北方廣莫風冬至至廣莫者大也同陽氣也又曰寒風故曰修風至地暖明庶風至萬物產清明風至物形乾景風至棘造實涼風至黍禾乾閭闔風至生薺麥不周風至蟄蟲匿廣莫風至則萬物伏王者順承陰陽是以條風至則出輕刑載稽留明庶風至則修封疆理田疇清明風至則出幣帛使諸侯景風至則爵有德封有功涼風至則報地德化四鄉閭闔風至則申象刑飭困倉不周風至則築宮室修城郭廣莫風至則斷大辟行獄刑是謂憲天

白虎通

管輅傳云少女微風起又有少男風起按周易說卦云兌為少女艮為少男西方為兌東北為艮謂西風及東北風也管氏常自言善易者不言易忽於此處言之

風母出九德縣似猿見人若慙出頸打殺得風還活

交

州志江湖七月間有大風甚於船舫野人相傳以為孟婆發怒按北齊李騶駮聘陳問陸士秀江南有孟婆是何神也士秀曰山江經帝女遊于江中出入必以風雨自隨以帝女故曰孟婆猶郊祀志以地神為泰媪也鉛鄭弘嘗採薪得箭頃有人覓還之問弘何欲弘嘗患若

耶溪載薪難願日南風暮北風故若耶溪至今風猶然
聯車志

石氏女嫁爲尤郎婦情好甚篤尤爲商遠行妻阻之不
從尤出不歸妻憶之病臨亡長嘆曰吾恨不能阻其行
以至於此今凡有商旅遠行吾當作大風爲天下婦人
阻之自後商旅發船值打頭逆風則曰此石尤風也遂
止不行婦人以夫姓爲名故曰石尤
江湖紀聞

商紂時大風飄牛馬發屋折木飛揚數十里後惡盈周
武王伐而滅之
秘書 我明嘉靖庚午二月大風塵沙蔽
天屋瓦皆飛有人騎驢過橋被風吹人驢墮水中皆溺

死人莫能救夫風以鼓萬物其鼓動於天地間有時飛
沙揚塵怒也發屋拔木者怒之甚也連人物飄揚之怒
亦大矣昔時有一胡人乘騾在道上行忽爲迴風所飄
又并一車升空直上將千餘尺少頃墮地車騎皆碎焉
乃隋仁壽二年事也京房易傳曰衆逆同志至德乃潛
後二載有逆謀騷動雖不遂亦竟有亂徵
馬氏日抄

雲

佛家九雲有寶蓮華雲堅固香雲無邊色樓閣雲種種
色妙衣雲無邊清淨旃檀香雲妙莊嚴寶蓋雲燒香雲
妙鬘雲清淨莊嚴貝雲
五燈會元

八九月中月輪外輕雲時有五色下黃人每值此則急呼女子持絨線小兒持紙筆向月拜之謂之乞巧惟吳媪有一女年十二拜之甚勤一夕月下飛一五色綵雲如手掌大駐于女前衆皆恐女竟吸食之味甚香美明日梳頭窺鏡面色艷冶彈琴讀書不習而能媪喜甚改名爲綵雲有詩一卷行於世

下黃記

凡望雲氣仰而望之三四百里平望在桑榆上餘二千里登高而望之下屬地者三千里雲氣有獸居上者勝自華以南氣下黑上赤嵩高三河之郊氣正赤恒山之北氣下黑上青勃碣海岱之間氣皆黑江淮之間氣皆

白徒氣白土功氣黃車氣乍高乍下往往而聚騎氣卑而布卒氣搏前卑而後高者疾前方而高後兌而卑者却其氣平者其行徐前高而後卑者不止而反氣相遇者卑勝高兌勝方氣來卑而循車通者不過三四日去之五六里見氣來高七八尺者不過五六日去之十餘二十餘里見氣來高丈餘二丈者不過三四日去之五六十里見稍雲精白者其將悍其士怯其大根而前絕遠者當戰青白其前低者戰勝其前赤而仰者戰不勝陣雲如立垣杼雲類杼軸雲搏兩端兌杓雲如繩者居前亘天其半半天其螯者類闕旗故鉤雲句曲諸此

雲見以五色合占而澤搏密其見動人乃有占兵必地
合鬪其直王朔所候決于日旁日旁雲氣人主象皆如
其形以占故北夷之氣如羣畜穹閭南夷之氣類舟船
幡旗大水處敗軍場破國之虛下有積錢金寶之上皆
有氣不可不察海旁蜃氣象樓臺廣野氣成宮闕然雲
氣各象其山川人民所聚積故候息耗者入國邑視封
疆田疇之正治城郭室屋門戶之潤澤次至車服畜產
精華食息者吉虛耗者凶若烟非烟若雲非雲郁郁紛
紛蕭索綸困是謂卿雲卿雲見喜氣者若霧非霧衣冠
而不濡見則其域被甲而趨天雷電蝦虹辟歷夜明者

陽氣之動者也春夏則發秋冬則藏故候者無不司之
天開縣物地動圻絕山崩及徙川塞谿坎水澹澤竭地
長見象城郭門閭閭臬枯橐宮廟邸第人民所次謠俗
車服觀民飲食五穀草木觀其所屬倉府廩庫四通之
路六畜禽獸所產去就魚鼈鳥鼠觀其處鬼哭若呼其
人逢倍訛言誠然

經濟類編

魯哀公六年吳伐陳楚子救陳將戰王有疾卒是歲也
有雲如衆赤鳥夾日以飛三日太史曰其當王身乎於
是王卒

左傳

趙王李德誠鎮江西有日者自稱世人貴賤一見輒分

王使女妓數人與其妻滕國君同妝梳服飾偕立庭中請辨良賤客俯躬而進曰國君頭上有黃雲羣妓不覺皆仰首日者曰此是國君也王悅而遣之誠齋襍記

元至正乙未正月二十三日日入時平江在城忽聞東方軍聲漸近驚視之但見黑雲一簇中彷彿皆類人馬前後火光若燈燭由西方而沒輟耕錄


我明劉基以元至正初舉春秋進士常遊西湖有五色異雲起西北光映湖水時魯道元宇文公諒諸同遊者皆以為慶雲將分韻賦詩基縱飲不顧大言曰此天子氣也應在金陵十年後有王者起其下我當輔之是時

杭城猶全盛諸老大駭以為狂惟西蜀趙天澤奇之以為諸葛孔明之流九朝野記

正德十一年丙子江西地方見天上有紅雲黑雲各一叢若相鬪者久之分為兩城人馬洶洶若攻城城中人應之又明年宸豪謀反南贛之兵自外攻入是其象也備遺錄

雷

北齊神武嘗閱馬於北牧道逢暴雨大雷電震地前有浮屠一所神武令薛孤延視之孤延乃馳馬按稍直前未至三十步震燒浮屠孤延唱殺繞浮屠走火遂滅孤



延還眉鬚及馬鬣尾皆焦神武嘆其勇決曰薛孤延乃能與霹靂鬪北齊書

唐貞元四年宣州忽大雷雨一物墮地豬首手足各兩指執一赤虵嚙之俄頃雲暗而失時皆圖而傳之酉陽雜俎

雷州春夏多雷無日無之秋日則伏地中其狀如彘人取而食之國史嘗有雷民因大雷電空中有物豕首鱗

身狀甚異民揮刀以斬其物踏地血流道中而震雷益厲其夕凌空而去自後揮刀民居屋頻為天火所灾雷

民盡圖雷以祀投荒雜錄唐柳公權元和末止建州山寺中夜半覺門外喧闐因

潛於窓中觀之見數人運斤造雷車如圖畫者久之一嚏氣忽斗暗失其人兩目遂昏焉酉陽雜俎

元和元年六月惠州一媪女震死於市衢脇下有朱字云李林甫以毒雷弄正權帝命震死龍城錄又章惇於

徽宗時貶雷州司戶卒後欽宗北狩至檀州雷擊民間一男子背上朱書賊臣章惇南燼錄

宋祥符間岳州玉貞觀焚惟留一柱有謝仙火三字倒書而刻之後有以此字問何仙姑者輒曰謝仙者雷部

中鬼夫婦也皆長三尺其色如玉掌行火於世間者也專文類聚

雨

夏禹時雨金又三日雨稻經曰聖人在位有德者昌此其治徵

六韜曰文王問散宜生卜伐殷吉乎曰不吉鑽龜龜不兆數著著不交而如折將行之日雨輜重車至軫行之日幟折為三散宜生曰此凶四不祥不可舉事太公進曰是非子之所知也祖行之日雨輜重車至軫是洗濯甲兵也藝文類聚

夏桀時天雨血雨水後商湯起而被放南巢竟移夏祚原始秘書又夏紂時天雨肉雨土雨灰石未幾而

殷

黃鉞白旗遂有授首之慘路史

漢永光二年天雨草而葉相膠結大如彈丸○鴻嘉四年雨魚於信都長五寸以下○又建平四年山陽湖陵雨血廣三尺長五尺大如錢小者如麻子前漢

建和三年七月北地連雨肉似羊肋或大如手近赤祥也後漢梁大同中嘗驟雨殿前往往有雜色寶珠初學記

唐貞元四年雨木於陳留大如指長五寸許每木有孔通其中下地立如植徧十餘里酉陽雜俎熙寧八年五

月雨黃土兼細毛元祐七年正月雨塵土紹興十一年三月涇州雨黃沙宋史紹興八年汴京雨下冰龜數十

里大小皆冰龜形具首足卦文

韵府續編

魏時河間王子元家雨中有小兒八九枚墜於庭前約長七寸許自言家在河東南為風所飄至於君庭與之言甚有所知如史傳所述

述異記

唐天寶十三年宮中下紅雨色若桃花太真喜甚命宮人各以碗杓承之用染衣裾天然色艷惟襟上色不入處若一馬字心甚惡之明年七月遂有馬嵬之變血汚衣裾與紅無二

致虛閣雜俎

弘治庚戌三月陝西慶陽府雨石無數大者如鷲鴨卵小者如鷄頭實皆作人言說長道短奏疏云爾

雪

草木花皆五出雪花獨六出朱文公謂地六出水之成數雪者水結為花故六出或言花中巖桂四出史繩祖云土之生物其成數在五故草木皆五出而桂乃月中之木西方地四乃西方金之成數故花四出而金色且開於秋聞簷葡花嘗六出矣天上瑞葉開花六出春雪亦嘗五出以物類求之亦不可盡曉蘇子瞻云今桃杏花有六出者必雙仁皆能殺人失常故也雪花六出至春五出殆亦陰陽之時或有感而然

代醉編

漢時大雪積地丈餘洛陽令身出按行見民家皆除雪

出至袁安門無有路謂安已死令人除雪入戶見安僵
臥問何以不出曰大雪人皆饑不宜干人令以為賢舉

孝廉

錄異記

蘇武嚙雪人所知也段穎破羗晝夜食雪四十日

緯田畧

文帝四年夏六月大雨雪

前漢

後唐明宗時歲嘗旱已

而雪明宗詔無得掃雪曰此天賜也

五代史

晉皇甫謐高士傳曰焦光野火燒其廬光因露寢遭大
雪至光袒臥不移人以爲死就視如故

太平御覽

慶曆三年十二月天雄軍天降紅雪盡血雨

宋史

宋樞密文及翁嘗詠一雪詞乃百字令其詞云沒巴沒

鼻霎時間做出漫天漫地不問高低併上下平白都教
一例鼓弄勝六招邀巽二只恁施威勢識他不破至今
道是祥瑞最是鶯鴨池邊三更半夜誤了吳元濟東郭
先生都不管挨上門兒穩睡一夜東風三竿紅日萬事
隨流水東皇笑道山河元是我底識者謂譏賈相云

記室

霜 冰

南北朝王皓字季高少立名行性懦緩嘗從文宣北伐
乘赤馬旦蒙霜氣遂不復識自言失馬虞侯爲求不得
須臾日出馬體霜盡繫在幕前方云我馬尚在

北史

晉羊祜卒武帝素服哭之甚哀涕淚霑鬚成冰獨異志

永徽二年十一月陰霧凝凍封樹木數日不解劉向以

為木少陽也人將有害霧陰氣脇木先寒故得雨而冰

亦謂之樹介介兵象也本紀

唐楊氏子弟每至伏中取大冰琢成山週圍宴席間雖

暑烈酒酣各有寒色甚且有挾纊者其驕貴如此天寶

遺事

唐楊太真初承恩召與父母相別泣涕登車時天寒淚

結紅冰開元遺事

唐順宗時拘彌國貢堅冰云山冰經千年不解故號千

年冰杜陽雜編

宋元豐末秀州人家瓦上冰成花每瓦一枝如折枝有

大花似牡丹芍藥者細花如海棠萱草者皆有枝葉以

紙塌之無異石刻夢溪筆談又天聖中濃霜着屋狀成

百花以紙摹之如畫青州志

雹 露 霧

元封二年十二月雷雨雹大如馬頭地節四年五月濟

陰雨雹如雞子殺二十人蜚鳥皆死前漢書

後至元中雨雹大如拳其狀小兒環玦獅象龜卵之屬

元史

瑞應圖云仁瑞之澤其凝如脂一名膏露一名天酒廬思道表云神漿可挹流味九戶之前天酒自零凝照三階之下玉海

蚩尤兄弟八十人獸身人語銅頭鐵額不食五穀啗沙吞石作五雷之刑以害黎庶黃帝將兵擊之大戰於涿鹿之野蚩尤作百里大霧彌三日軍人皆迷惑九戰不勝黃帝歸於泰山三日三夜既而感天霧冥冥有一婦人下降人首鳥身黃帝稽首再拜伏不敢起婦人曰吾九天玄女也帝曰蚩尤暴人殘物小子欲一戰必勝也玄女教帝三宮秘畧五音權謀陰陽之術又傳陰符經

三百言帝佩服之遂滅蚩尤帝令畫蚩尤之形於旗上以壓邪魅名蚩尤旗古今注

終綱目書黃霧四塞二皆為漢末王氏也五侯之封也黃霧四塞莽之將敗也亦黃霧四塞霧惡氛也王氏蓋以是始終焉綱目

王肅張衡馬均三人霧行一人無恙一人病一人死問其故無恙者我飲酒病者飽死者空腹博物志

虹霓 烟火

古者有夫妻荒年菜食而死俱化成絳故俗呼美人虹異苑

韋臯鎮蜀嘗與客宴郡西亭暴風雨俄傾而霽忽虹霓
自空而下直入庭垂首於筵吸其飲食且盡五色似霞
首似驢四視左右久而方去客懼罷宴曰吾聞虹霓者
妖沴之氣今止吾宴怪之甚矣客曰夫虹霓天使也降
于邪則為戾降于正則為祥公正人也敢以祥賀後旬
餘有詔就拜中書令

成都記

晉文公焚林以求介子推有白鷗繞烟而噪或集介子
之側火不能焚晉人嘉之為立臺號曰思烟

太平御覽

已至午果有二尼自東百步相序而至施朱傅粉冶容
艷佚如倡人之婦其內服殷紅下飾亦紅卒計曰尼髡
未之有也因以撻痛擊之傷腦流血叫號稱冤返走疾
如奔馬旋擊又旋傷其足殆狼籍毀裂百步已上落草
映樹已失所在更無蹤焉門卒報耽具述別無異色只
遇二尼衣服容色之異耽曰打得死否具對傷腦折足
痛楚殆極但打不死而失所在無可尋之耽嘆曰此不
免小有災矣翌日東市奏失火延袤千百家抹之得止

芝田錄

明弘治十一年京師西直門有熊入城守衛者不覺馬

文升謂野獸不宜入城奏叅守衛因乞嚴武備以防不虞兵部郎中何孟春謂同列曰熊之為兆既當避盜亦宜慎火同列莫曉未幾城內在處有火災禮部焚既而禁中亦火乾清宮焚或問孟春孟春曰予不曉占書宋人紹興己酉永嘉災前數日有熊至城下州守高世則謂其倖趙允縉曰熊於字能火郡中宜慎火果延燒官民舍是年之語蓋憶此事而云耳不意竟驗

續文獻通考

第四卷

地理部

地類

定名相地

太章豎亥

禹蹟所被

佛經四洲

四界四派

閻浮提

八玄八極

中國生明

四方五行

輿藏勁方

山林川澤

青徐荆揚

名山比生

地產地無

山河兩戒

共一日月

旦夜四照

三千大千

象氣

聖人出

南舟北帳

有葱有薤

天下九福

江陵衣冠

貢土貢水

天地氣候

不打春

不撞鐘

皇輿

四離九道

中國三支

大有一統

左肩右臂

秦守漢統

秦壤四塞

燕薊形勢

金人都燕

歷代疆理

九鎮

東西南北地

嘉靖貢地

郡鄙

卷四目錄終

劉氏鴻書卷之四

宣城 劉仲達 纂輯

地理部

太史 湯賓尹 刪正

地類

大一金鏡經曰昔燧人氏仰觀斗極而定方名東西南

北是也則四方之名蓋自燧皇始定之○後世相地者

曰堪輿堪天道輿地道坤輿地坤為地輿車底也○禹使太章步

自東極至於西極二億三萬三千五百里七十五步使

豎亥步自北極至於南極二億三萬三千五百里七十

五步淮南子

地東西二萬八千里南北二萬六千里名山五千三百七十出水之山八千里受水者八千里出銅之山四百六十七出鐵之山三千六百九十此禹蹟之所被也

覽

佛經有四州之說謂中國爲南瞻部州天竺諸國皆在其中東弗于廷州西瞿耶尼州北鬱單越州四州統名

娑婆世界

鉛葉

須彌山乃崑崙山之別名也是天地骨中鎮天心爲巨物如人脊背與頂梁生出四枝龍突兀四枝分作四世界南北東西爲四派西北崆峒數萬程東入三韓隔杳

冥惟有南龍人中國胎宗孕子來奇特黃河九曲爲大腸川江屈曲爲膀胱分枝劈脉散亂去血脉勾連逢水住大爲都邑帝王州小爲郡縣居王侯其次偏方爲鎮市亦有富貴居其地按南龍入自中國派爲三大幹龍北條出河北入雲中九疑鴈門岱郡復回南而太原華山太行恒山派九河東北度遼海以入於海爲兗冀之分中條出河南自秦壟三嶽入豐沛汾潁伊洛東而淮泗以入于海爲雍豫青徐之分南條出河南自陝右分西都回巴蜀踰荆衡入黔中東入匡阜南極嶺海東北渡閩粵跨三吳自浙右以入於海爲梁荆揚之分

黑囊

經

須彌山東天下名東弗于人壽三百西名西瞿耶尼人壽三百南名南閻浮提人壽百歲北名北鬱單人壽千歲長倍三天下人閻浮提今中國四夷皆是也中國稱震旦又稱人國則自天竺名爲閻浮提之一也

宛委餘編

崑崙東北地轉下三千六百里有八玄幽都方二十萬里地下有四柱焉柱廣十萬里有三千六百軸互相牽制之八極之廣東西二億三萬三千里南北二億三萬一千五百里

玄覽

中國月之生明必於初二或初三日而西域有尋斯於城於中國之朔夕月即見於西南中國生明之夕月去地纔一舍許而交州遇生夕月已在天之中心此豈里差之所致耶然史載安息西界循海曲亦至大秦迥萬餘里於彼國觀日月星辰無異中國然則又何也里差乃占步之一法猶所謂歲差云爾

宇宙有四方東銅南海西林北沙

黔類

又五行東方木

而丹章有金銅之山南方火而交趾有大海之川西方金而蜀隴有名材之林北方水而幽都有積沙之地口水人輕遲水人重中土多聖人凡土地有龜龍之體有

麟鳳之貌有弓弩之勢有斗升之象有張舒之形有塞
閉之容有隱真之安有累露之危有膏英之利有壅壅
之害此十形者氣勢之始終陰陽之所極也計九州之
別壤山陵之大川澤所注萊沮所生鳥獸所聚九百一
十一萬八千二十有四頃磽塉不墾者千五百萬二千

頃

玄覽

東南天地之奧藏其地寬柔而卑其土薄其水淺其生
物滋其財富其人剽而不重靡食而儉生其土懦弱而
少剛笮之則服西北天地之勁方雄尊而嚴其土高其
水寒其生物寡其財确其人毅而近愚食淡而輕生主

沉厚而慧撓之不屈

事物紺珠

山林民毛而方其物毛阜川澤民黑而津其物鱗橐丘
陵民專而長其物羽竅墳民哲而瘠其物介陝原隰民
豐肉而痺其物羸叢

王氏彙苑

青徐角羽集寬舒遲人聲緩其泉鹹以酸荆揚角徵會
氣漂輕人聲急其泉酸以苦梁州商徵接剛勇漂人聲
騫其泉苦以辛兗豫宮徵合平靜有慮人聲端其泉甘
以苦雍冀合商羽端駛烈人聲犍其泉辛以鹹

玄覽

禹曰天下名山五千三百七十居地六萬四千五十六
里出銅之山四百七十六出 鍤之山三千六百九十

天地所以均有無通萬物者也鹽鐵論東方有比目魚

焉指南南方有比翼鳥焉西方有比肩獸焉北方有比肩民

焉指南淮北大獸江南多禽湖廣多魚雲南多花廣西

多樹川蜀多藥○山東無虎浙江無狼廣東無兔蜀無

鴿國憲家猷

天下山河之象存乎兩戒北戒自三危積石負終南地

絡之陰至濊貊朝鮮謂之北紀天所以限戎狄南戒自

岷山嶓冢負地絡之陽至東甌閩中謂之南紀天所以

限蠻夷河源曰北河由北紀首達華陰與地絡會又分

而東流與涇渭濟瀆相表裏江源曰南河自南紀首達

華陽與地絡會又分而東流與漢水淮瀆相表裏觀河

河之象與雲漢之終始而分野可知矣唐法象志

華嚴經云四天下共一日月為一世界有千世界有一

小鐵圍山遶之名曰小千世界有一小千世界有中鐵

圍山遶之名曰中千世界有中千世界有大鐵圍山遶

之名曰大千世界此三千大千世界○又云四天下者

須彌山南曰閻浮提山北曰鬱丹越山東曰弗波提山

西曰瞿那尼山其日月一旦夜照四天下數術記

一世界者一日一月一四天一三十三天一夜摩天一

梵率陀天一樂變化天一他化自在天一梵天此名一

世界如此一千箇世界名小千世界又如此一千箇小
千世界名中千又如此一千箇中千世界方名大千故
文中有百億須彌山百億日月等說 阿含經

凡地皆象其氣皆應其類山氣多男澤氣多女障氣多
暗嵐氣多聾林氣多癰木氣多偃岸下氣多瘰石氣多
力險阻氣多癭暑氣多天雲氣多壽谷氣多痺丘氣多
狂衍氣多仁陵氣多貪輕土多利重土多遲清水音小
濁水音大湍水人重中土多聖人皆應其類也 太平御覽
海水三歲而一周周則流波相薄而地動名山五百歲
而一開開則金玉之精涌焉丹丘千年而一燒燒則真

人聚焉黃河千年而一清清則聖人出焉 玄覽

豫章一遼僧嘗曰南人不信北人有千人之帳北人不
信南人有萬斛之舟蓋土俗然也法苑珠林云山中不
信有魚大如木海上不信有木大如魚胡人見錦不信
有蟲食樹吐絲所成吳人身在江南不信有千人羶帳
及來河北不信有二萬碩船正與遼僧談合 名山藏

山中有蔥下必有銀有薤下必有金有薑下必有銅錫
山中有王者木旁枝下垂謂之寶苗 雲仙友議

天下有九福京師錢福眼福屏帷福吳越口福洛陽花
福蜀川藥福秦隴鞍馬福燕趙衣裳福美女福○江陵

號衣冠數人言琵琶多於飯甌措大多於鯽魚

珍珠船

天下貢賦惟長安縣貢土萬年縣貢水

南部新書

若耶溪旦必南風暮必北風瓊海半月東流半月西流

點蒼溪上大雨野中烈日金筑聖泉潮汐百刻閩中溫

泉左寒右熱莆陽霞墩井左重右輕江乘之泉半溫半

冷共出一壑句容之湖熱魚寒魚交入輒死天地氣候

有不可窮詰者

文海披沙

徐州不打春邳州無東門若使打春與開門蝎子咬殺

人

七脩類藁

東昌亦有諺曰夏津不撞鐘高唐無北門

撞鍾人頭痛北門生蝗蟲相沿至今不敢易也

文海披沙

皇輿

地者萬物之祖元氣所生也東至秦遠西至邠國南至

濮鉛北至祝栗謂之四極東有九夷北有八狄西有七

戎南有六蠻謂之四海有五嶽以應天之五行五嶽者

卽中嶽嵩山南嶽衡山東嶽泰山西嶽華山北嶽恒山

也有四瀆以應天之四離四瀆者江淮河漢也有九州

以應天之九道東南神州曰晨土正南邛州曰深土西

南戎州曰滔土正西兗州曰开土正中冀州曰白土西

南杜州曰肥土北方玄州曰成土東北咸州曰隱土正

東揚州曰信土九州之外有八埏八埏之外有八紘東

北之絃曰和丘曰荒土東方之絃曰棘林曰桑野東南之絃曰大窮曰衆女南方之絃曰都廣曰反戶西南之絃曰焦僥曰炎土西方之絃曰金丘曰沃野西北之絃曰一目曰沙所北方之絃曰積氷曰委羽此言地之大勢然也又有爲北戒南戒之說者北戒自積石負終南地絡之陰東及大華踰河益雷首砥柱王屋太行北抵常山之右乃東循塞垣至濊貊朝鮮是謂北紀所以限戎狄也南戒自岷山嶓冢負地絡之陽東及太華連商山熊耳外方桐栢自上洛南逾江濮攜武當荆山至於衡陽乃東循嶺徼達東甌閩中是謂南紀所以限蠻夷

也故星傳北戒爲胡門南戒爲越門有云渤溟漲洋所以限東徼也惡溪沸海所以限南徼也陷河懸渡之設乎西瀚海沙漠之設乎北所以遮西而制北激崖霧於東維界黑水於南極泄流沙於西漣決弱水於北厥所以界四維也此以中國之地勢言之也帝王御極能使中國順治而四夷來王斯可以語全盛矣慎勿恃久安而忘戰備致帝王所自有之地一旦淪於夷狄而不悔也彼志在滅胡而窮兵贖武以致海內虛耗昔人謂得其地不可耕而食得其民不可役而使縱使慕南無王庭於中國又何益乎唐地志曰自古爲天下者務廣德

不務廣地斯言其御世之良策哉

三餘筆錄

地脉向中國來者三支北絡發崑崙東折而東南行其背爲北狄其正結爲冀都其支結爲燕京其餘氣爲東夷冀都向雲中上黨剝換來三面繞河外案多疊大河東北徂入海重重包裹但四旁險阻貢輸非後世所便河且徙而南氣乃洩燕京雖非隴結旺氣時乘其藩籬單薄漕水慮滯可以完緻只河引而南略具耗孔中絡發崑崙東南至岷山由屬隴轉北而東爲終南長安之地也金陵四塞以爲固古豪傑有取焉貢輸艱入後世費繁今非所處由關中出至太華中嵩伊闕已鑿是謂

洛陽洛陽天地之中陰陽和南北平百物會周公營之地氣自北以南人事化機互以爲用古今固不齊也行乃盡於東秦翻身顧祖東海外盪河江前向萃產賢貴凝聚有因後世河徙截其來脉者三四其力遂微南絡發崑崙迤東南而行至大峨山其背爲西戎直南折而東爲五嶺其餘氣爲南蠻復折而東北大盡於建康其支給爲吳閩越大峨而下至於五嶺環抱中原情無南面力雄勢坎吳閩越支疑謫力海水陽勝明有餘而氣不足以當之金陵一大都會長江天塹財用易輸持護不少世謂江左不得於宅中偏安不可以圖大是安於

建康之說不能用建康於天下夫安於建康乃河大勢
不拱東壩未立秦淮河不湧邦溝尚微故建康俗狃於
自便知守江而不知用淮于江知圖淮而不知用天下
於淮知據武昌之上游而不知上游之守鎮知集貨之
易而不知散貨以用于四方知南兵之難振而不知練
兵於北之可用故金陵不可以故常論冀越通
國家大有一統東盡遠左西極流沙南越海表北抵沙
漠兩京並建以京畿府州直隸六部分天下爲十三布
政司統諸府若州若縣都司衛所錯置交制爲府一百
四十四爲州三百二十二爲縣一千一百五十有四我

朝幅幘廣矣洪荒之世無論已禹分天下爲九州北直
隸山西屬冀陝西屬雍四川梁山東爲青爲徐爲兗河
南豫冀兗南直隸江西浙江福建廣東雲南皆揚湖廣
荆而廣西貴州正朔猶未加也周之時西不盡流沙南
不盡衡山東不盡東海北不盡恒山而其餘聲教猶未
及也三代之疆域可考已漢時蘇武使匈奴其牧羝處
則陝西鎮番衛也山因以蘇武名王昭君嫁匈奴其墓
處則山西大同府也西地多白草此冢獨青賈捐之請
棄珠崖則廣東瓊州府也入海地方千里漢之疆域可
考已唐南詔雄鎮於蒙氏則雲南諸夷也維州浸陷於

吐蕃則四川諸夷也逮中葉盡河北而失之宋燕雲淪
沒於遼金則北直山西也西夏竊據於興州則陝西寧
夏也及南渡胥中原而棄之唐宋之疆域可考已今日
之盛豈非亘古獨隆者乎雖然覩形勝而思經濟貴通
其要焉蓋嘗論之天下大勢譬人一身京師元首也而
朝廷政令出焉則心也四方四體也薊門遼陽上谷雲
朔者肩背也河渠咽喉也伊洛湘漢江淮之間腹也齊
魯秦晉左右手也閩蜀腋也交廣滇粵足也肩背欲厚
咽喉欲通腹欲實左右手腋欲強足無跌盍相承而奉
元首以聽命於心而心與元首則又精神所聚會以運

用百體而榮衛注焉然後形氣充悅而外邪不奸也噫
當國家之任者可以深思而曲處矣封疆之臣可不講
乎

新知錄

愚按天不滿西北地不滿東南天地之大也猶然無全
用况帝王之統馭乎顧長官宣慰本非孝順子孫而朔
方河湟猶係職方版籍在廟堂之石畫固計萬全而蒞
蕘之管窺思陳一得竊謂泰寧內徙則露華夏之左肩
河套陸沉則續匈奴之右臂况都圻密邇遐荒薊鎮總
堂皇之地黃河與我共險靈鹽多肘腋之虞長慮却顧
者似不容度外置之也至於諸夷喜則人怒則獸故變

亂易起紛爭而敗之易養之難故撲滅每延歲月况田
州久勞撫勦而蘇盧竟爾逋誅湖苗方肆齧蹄而貴苗
同時煽動招攜懷遠者似不可以疥癬視之也自脅貢
者得比秦寧遂肆意甘爲向導復套者一蒙顯戮致絕
口不議驅除然把漢一被拘留而三衛寢謀關外台吉
偶驚伏發而數載不犯雲中中材尙可捍虜未有得人
而西北不可禦者若撫東南者徼患之不當身每因循
于歲月值變之竊發于已率避法以文移然謫致公丁
而峽寇甘心服罪計誅龍保而田勉俛首乞哀少算猶
可就功未有得策而東南不可撫者卽策得矣人得矣

而當事者猶有六難焉思議者嗤此說之爲非必多方
以撓其事護前者恥已言之不售必中沮以敗其成功
不能一舉而收將以玩寇致罪師欲因用間而動又以
通虜招尤謀始而疑其發大難之端則兵未興而讒已
啓事定而責其保百年之患則功甫就而禍亦基得策
得人而難且如此况并策與人而不得乎天下之事所
以日復一日而終莫之舉也

分合志幅幘總論

愚按秦之置守也漢統以州牧而專制發難於袁曹唐
易以藩方而旅拒肇端于河朔及支郡牒領兵而橫海
稱順命文臣知州事而節度釋兵權至是而征伐之柄

一指臂之勢成僉謂令長之設可百世以俟聖人然弱
天下者固令長而撫天下者亦令長必令長能行其志
而後天下始遂其生其在於今統之以郡守約之以監
司糾之以臺憲而別其殿最以達之銓司制亦詳且備
矣但雌黃因品格豈曰稱情毀譽視趨承孰云核實緣
催科以殿最何以妨撫字之勞任命運以爲遷除豈得
稱量才之授遴選果精乎改節于宦成者每借資于夙
譽先容於權要者或見庇于當途喜事而用壯者竊名
于果敢矯情而飾節者係迹于潔廉鑒別果審乎待哺
者計期于旦晚以申請而緩其賑施負屈者久淹于歲

年據成案而難于平反寃欲伸于富室寧坐視以引嫌
刑或犯于權臣顧屈法以避禍守果得自專乎名譽不
事上官則以蔽其賢者尤其抗練習迴趨同列則以媒
其短者忌其長報政責其速成則得民難于子產長才
局于短馭則百里失之士元才果能自見乎網裁花石
傷必中于逮捕戶損晉陽謗必速於鰥曠破張讓之柱
則議束于濕薪緩兒寃之形則比錫於著帽淑果盡旌
乎謂清流之可恃者或肆志於恣睢阻進取之無階者
每灰心于策勵一長偶售於知遇信耳者必主以成心
微青少掛于指陳則求全者難蓋以晚節慝果易別乎

大抵人不易知而當用其知于迹之外法不可廢而當
通其變於法之中若醴泉徵諸父老則荐舉外尤貴旁
求卽墨毀以要津則糾刺中亦當甄別薛宣移兩縣而
皆治豈容以爲人而擇官何武以去後而見思不必以
銜長而課最如是而又特嚴濫舉之罪間加不次之遷
大破常格以待循良重示誅譴以鋤貪墨則兩岐五袴
在在多樂利之民而三異四知人人重清白之守矣猶
有說焉縣令固通之天下矣若畿甸之外宜如漢制設
三輔以衛京師邊塞之間宜倣宋初分節度以守要害
則外之進攻退守屹乎百仞之金湯內之居重馭輕巍

然萬世之磐石有經國之志者幸毋忽意于斯

分台志

郡國總論

夫秦四塞之壤也雖偏鎮於西隅而國之形勢實爲天
下雄固帝霸之業也若夫盤互而秀於南者則終南太
乙焉隆隆乎陰於西極而東望潼關者則華嶽焉東注
咸陽則灃水之所導也其境有蘭池阿房之宮咸陽之
南周之鎬京也茫茫四陵南北相望秦宮所營灃其鬱
焉豈惟涇水之望陵哉西北臨乎豳國而奕奕者其梁
山也網緼而蒼蒼內有離宮別館昆明西陂輦道紆曲
而相屬者秦之上林也鬱然起于鄠之東南者有紫閣

鴻書
峰焉其周之之上極也久矣橫亘乎藍田者有秦嶺焉
霸水之所出嶢關之所鎮也截于西域而嫫姚之所開
者其玉門之關乎環于漢陽而微茫者其烏鼠乎限於
北漠之陲匈奴倚垣而窺者此秦之長城紫塞也扞蔽
乎朔方而胡笳戰馬之所集者其賀蘭之山乎聲下龍
門景入太華而浩蕩者黃河也而瀑布之漉漉者則太
白焉荆山峙於河則大禹鑄鼎之墟也若夫太液曲江
之池樂游細柳之原驪山之溫泉新豐之粉社隴山之
九坂長安之章臺又有博望西郊芙蓉未央長樂建章
甘泉之宮不可勝數其近而羅列者皆鍾秀於雍州其

遠而環帶者皆隱耀於關中也 名山記

自古中原無事則居河之南中原多事則居江之南自
然之勢也成周以來河南之都惟長安洛陽江南之都
惟建康其次則有襄鄧焉唐朱朴之議曰襄鄧之西夷
漫數百里其東則漢輿鳳林爲之關南則菊潭環屈而
流屬於漢西有上洛重山之險北有白崖聯絡誠形勢
之地沃衍之墟若廣浚河渠漕輓天下可使大集此建
都之極選也雖然皆未有及燕薊之形勢者太行盤盤
自西而北居庸古北松亭等關北瞰沙漠南引江淮土
厚水深博大爽愷其人沉鷲才勇杜牧所謂王不得不

霸不得得霸之地豈非天遺其勝以貽我朝萬世帝王之業乎震澤長語

京師古幽薊地左滄海右太行北居庸南河濟古稱天府之國遼金元常於此建都予嘗考之金人克遼滅宋都燕山故城在今北京城之西南十里今禁垣內所存瓊花島梳粧臺皆金故物也瓊島卽蒙古輦貢之石積而爲山粧臺則章宗所營以脩李妃行園而添粧者都人訛爲蕭太后梳粧樓章宗偕妃登臺得二人土上坐之句妃卽以一月日邊明爲對今以地方計之臺島卽今萬歲山太液池等在金時當介都城東北隅入元改

築城隍國朝因之前山池臺島則在禁蘄之西南矣我太祖時爲北平布政司成祖龍潛於此及纘大統遂建北京其時尤稱行在正統中始稱京師云南京古金陵地周末時已有王氣秦始皇謂東南有天子氣諸葛亮謂龍蟠虎踞真帝王都卽此吳晉宋齊梁陳及南唐嘗於此建都我太祖乃定鼎於此山東古青兗二州地漢於青州兗州各置刺史唐宋因之東西分治元始合爲東西道宣慰廉訪司山西古冀州地漢分冀西境置并州部刺史唐置河東道宋置河東路元置河東山西道宣慰廉訪司陝西古雍州地漢都於此置司隸校尉

領三輔置涼部刺史唐初置關內道已而置京畿關內隴西南平等道宋初置陝西路後置六路元置陝西行中書省及陝西漢中道廉訪司甘肅等行中書省及河西隴北道廉訪司我朝始合爲一置陝西布政司而設行都司分治甘肅云河南古豫州漢置豫州刺史唐置河南道開元置都畿河南河北三道宋都汴置京東東西二路元置河南江北行中書省廉訪司我朝置河南布政司浙江古揚州地漢會稽郡兼統兩浙隸揚州部刺史唐貞觀中隸江南道後增置江東道宋初以兩浙爲一路後浙東西爲兩路元置江浙行中書省及浙東

浙西二廉訪司我朝合兩浙置浙江布政司江西古揚州地漢領以揚州部刺史唐隸江南道後分爲江南江西道宋置江南西路元置江西行中書省及江西湖東道廉訪司湖廣古荊州地漢置荊部刺史唐貞觀中領以江南道後增置十五道宋置荆湖南北二路及京西南路元置湖廣行中書省及江南湖北道荆湖北道山南江北道湖廣道嶺北湖南道宣慰廉訪司我朝合置湖廣布政司四川古梁州地漢置益州部刺史唐貞觀中置劍南道後置劍南并山南東山道宋爲四川路後分東西兩路又分益慶利夔四路元置四川行中書省

及置西蜀四川道廉訪司福建古閩越地漢以揚州刺史領之唐初隸江南道後隸江南東道大曆中始置福建觀察使宋置福建路元置福建行中書省及福建宣慰廉訪司廣東古北越地漢置交州部刺史唐貞觀中置嶺南道後分爲嶺南東道宋置廣南東路元置廣東道又置海北海南道宣慰廉訪司隸江西行中書省我朝改置廣東布政司廣西古百粵地漢領於荆交二州部刺史唐以其地隸嶺南道後分爲嶺南西道宋屬廣南西路元置廣西兩江道及嶺南廣西道宣慰廉訪司俱隸湖廣行中書省至正末置廣西行中書省我朝因

之雲南古梁州南境爲徼外夷地漢置益州郡領於益州部刺史自唐至宋爲蒙氏段氏所據元置雲南行中書省及廉訪司又置曲靖臨安大理金齒等處宣慰司貴州古西南夷羅施鬼國地元置八番順元等處軍民宣慰司本朝洪武初以其分隸湖廣四川雲南三布政司永樂十一年始置貴州布政司

國憲家猷

元分天下爲十一省二十三道每州皆爲路在內爲中書省在外爲行中書省按歷代疆理天下三代分天下爲九州或十二州秦分天下爲三十六郡漢分天下爲十三部一部六郡晉分天下爲十五道唐十道宋分天

下為四京三十五路此其大略也

草木子

遼東鎮北拒諸胡南扼朝鮮東控福餘為神京左臂領
衛二十五所十一關二營堡二百七十薊鎮自山海抵
居庸延邊千里與虜為鄰賴重巒天險領城十二關一
百一十三寨七十三營四十三堡六十二宣府鎮自東
徂西邊長千餘里藩屏陵京領衛十五所十六城三東
抵黃花鎮西抵大同平遠堡大同鎮自宣鎮西陽堡至
山西邊丫角山六百四十餘里東北連諸胡西接套虜
九邊中之絕塞領八衛七所五百六十三堡山西鎮東
自丫角山起西至老牛灣邊界一百餘里外借大同以

為藩籬內恃三關為捍蔽領關三堡三十九口十九延
綏鎮東自黃甫川西至定邊營界長一千五百里為套
虜充斥之地領營六堡二十八寧夏鎮自延鎮而西至
固原邊界一千八百餘里東起鹽池西盡中衛東南距
河為險北倚賀蘭為固領衛六所七營四堡十八固原
鎮自寧鎮起西至甘肅邊界二百餘里向稱腹裡領衛
所七關一營堡四十八寨七十甘肅鎮自固鎮起西至
嘉峪關治邊一千五百餘里西控西域南隔羌戎北蔽
胡虜孤懸絕塞八衛三所一關五十三壁

皇輿攷

東起朝鮮西至嘉峪南濱海北連沙漠道路紆縈各萬

餘里記四夷入貢者共四十九處廣輿記嘉靖以前四

夷入貢各國東北朝鮮等二東日本一南安南占城等

六西南淳沱等四十九西哈喇等四十六西北哈密等

七百朵顏韃靼等二職方攷

都者美也鄙者陋也詩云彼都人士史記云五殺大夫

荆之鄙人也以帝王所居文物整齊士女閒雅皆可美

者故其處曰都民士亦曰都人以邊陲郊野風俗踈略

人物醜陋皆可鄙厭故其處曰鄙民士亦曰鄙民左傳

都鄙有章鉛槧

都鄙有章卷之四終

